

## M552: Ostmitteldeutsche Urkunden des 13. Jh.s

- 50-078,10 Albreht von gotes genâden lantgræve zuo Düringen unde pfalenzgræve in  
Sahsen /
- 50-078,11 tuon kunt alle den di disen brief sên oder hoeren lesen / daz wir deme  
edelmanne græven
- 50-078,12 Vriderîche von Bîcheligen unde sînen erben unde sînen nâchkomelingen  
lêhenen unde gelihen
- 50-078,13 haben / zuo rehteme lêhene unse gerihte über Talheim unde in Talheim  
über lîp unde
- 50-078,14 über guot /. unde über hals unde hant sunder unse gerihte ûfe / deme velde  
daz ziehen wir
- 50-078,15 ûz unde nemen ez ûz wir bekennen ouch daz unse rihtære noch unse bûtele  
ûf sîn
- 50-078,16 guot noch in sîn gerihte niergen solen kumen daz niemanne schadelich sî  
daz dise rede stæte
- 50-078,17 unde ganz belîbe sô geben wir unsen brief besigelt mit unseme ingesigele .  
diser rede sint
- 50-078,18 geziuc Stranz von Tullestete / Berthouc von Slâtheim / Herman von Mila  
– von Kornre .
- 50-078,19 Helwîc von Goltbach . unde andere liute genuoc dise brief ist gegeben nâh  
gotes gebûrte tûsent
- 50-078,20 jâr / zwei hundert jâr in deme ein unde sechzigsten jâre . in deme .  
boumgarten zuo Wîzensê
- 544-479,26 wî Albreht / von gotes genâden lantgræve zuo Düringen / tuon kunt allen  
/ den dise
- 544-479,27 brief gewîset wirdet / daz hêrre / Gêrnôt von Kriuzeburc / hêrre Ernst von  
Küllestete / hêrre Vriderîch
- 544-479,28 von Küllestete / unde hêrre Kuonrât Sumerlate / die burgere / von  
Mülhûsen / von der selben stat
- 544-479,29 wegen Mülhûsen / mit uns geteidinget haben / alsô daz die burgere von  
Mülhûsen / umbe /
- 544-479,30 die suone / die von unser wegen / zwûschen den von Küllestete unde den  
von Gutingen / gemachet
- 544-479,31 wart / unde niht gehalten unde umbe den hov / die dâ gebrochen wart /  
und ouch umbe
- 544-479,32 alle andere schult / die wî hatten gein der stat / nâch græven / Gunthers  
râte von Swarzburch /

- 544-479,33 die unse rât is / vriuntlîche mit uns berihtet haben / alsô / daz wî in / daz niemer ûf
- 544-479,34 heben sulen mit necheinem argen / dâr über bekennen wî / daz die letzte suone / die
- 544-479,35 hêrre Dieterîch von Kornre der rîtær / hêrre Kuonrât von Urbeche / hêrre Eckehart von Schoenerstete /
- 544-479,36 hêrre Henninc hêrren Brûnes / hêrre / Bertholt schultheize / hêrre Vriderîch von Küllestete /
- 544-479,37 hêrre Ernst von Kranechvelt unde hêrre Kristân von Langelôh / nâch der stat rehte / unde der willeküre /
- 544-479,38 gemachet haben / umbe den bruch / die dâ was / zwûschen den von Küllestete / unde den
- 544-479,39 von Gutingen / daz wî der suone gesten / unde wollen / daz die stæte und unbruchelîche gehalten
- 544-479,40 werde / und ûfe dirre teidinc ganzheit / unde stæticheit / haben wî geheizen / geschrîben
- 544-479,41 disen brieve / unde beinsigelt mit unseme ingesigele / mit geziuge / græven Gunthers von
- 544-479,42 Swarzburc / hêrren Heinemannes von deme haine / hêrren Hermannes von Hirsingerode / hêrren
- 544-479,43 Alzides unse hovemeisters / hêrren Heinrîches von Klêberc / hêrren Dieterîches von egere
- 544-479,44 unde hêrren Wernhers von Belgeren / dit is geschên zuo Wartberc / nâch gotes gebürte /
- 544-479,45 tûsent jâr / zwei hundert jâr / in deme zwei und ahtzigesten jâre / an sente Margarêten tage /
- 
- 878-216,27 wir bruoder . Heinrîch von gotes genâden / erzebischof von Meinze / oberster kanzelære
- 878-216,28 des rîches / tuon kunt allen den / die disen brieve sehent oder hoerent lesen / daz wir allen
- 878-216,29 den unwillen unde werren / von aller hande brûchen / heimelîche oder offenlîche / die buozwirdic
- 878-216,30 warent / die wir hatten ûf disen hiutigen tac / der dâ ist dô man zalte von gotes
- 878-216,31 gebürte / tûsent / zwei hundert / unde sibem und ahtzic jâr / an dem vierden tage / des
- 878-216,32 mânôdes des merzen / gegen dem râte / und den burgeren allen gemeine von Erpforte /
- 878-216,33 haben lûterlîche vergeben / alsô / daz ez von niemanne mêr sol gevordert werden . wir bekennen
- 878-216,34 ouch / daz wir allen unwillen unde anesprâche / unde alle vorderunge / die wir hatten /
- 878-216,35 gegen den juden zuo Erpforte / ez sî umbe iren kirchhov / oder umbe ire sinagogen / unde
- 878-216,36 ander alle sache / heimelîche oder offenlîche die buozwirdic wâren / biz an den voregenanden

- 878-216,37      tac / haben lûterliche vergeben / alsô daz ez niemer mêre sol gevordert  
werden / unde wir
- 878-216,38      wellen ouch / den selben juden von Erpforte / den brieve den si habent /  
under unsers vorevaren
- 878-216,39      bischoves Wernheres sæligen / und unsers kapitels insigele / stæte halten  
zuo der zît /
- 878-216,40      als der brieve geschriben ist . wir haben ouch stæte / dem râte / unde den  
burgeren von
- 878-216,41      Erpforte / die brieve die si habent / under unsers vorevaren bischoves  
Wernheres sæligen / und
- 878-216,42      unsers kapiteles insigele / umbe die vleischhackær / daz si vleisch verkoufen  
/ unde die brôtbecken
- 878-216,43      daz si brôt verkoufen / als an den brieven stât / alsô / swâ si buozwirdic  
wurden /
- 878-216,44      daz man daz rihten sule / vore unserem rihtære / den wir dâr zuo setzen /  
unde daz sol nieman
- 878-216,45      hinderen / oder vore hin heimeliche versüenen . wir haben ouch stæte / als  
an den brieven
- 878-217,1      unsers voregenanden vorevaren / unde des kapiteles insigelen von Meinze  
/ ist geschriben /
- 878-217,2      die wandelunge des münzhûses / unde der zale / der hûsgenôzen . an allen  
den stücken /
- 878-217,3      die dâ vore geschriben sint / sô behalten wir uns selben / unde dem stifte  
von Meinze / allez
- 878-217,4      unser reht / an unserem gerihte / an unserem ambahten / und an des  
gotes hûses eigene von
- 878-217,5      Meinze unde allez daz / daz unser reht an hoeret . ouch sulen die burger  
von Erpforte /
- 878-217,6      von des næhesten / sancte Martines tage / alliu unser reht / als si von alter  
her sint komen /
- 878-217,7      ûz rihten / unde under irem insigele / uns / unde unserem stifte geschriben  
geben als unser
- 878-217,8      boten / die wir mit unseren brieven / dâr zuo senden sulen / unde si /  
überein koment / unde
- 878-217,9      daz selbe reht sulen wir in wider geben besigelet / mit unserem / unde mit  
unsers kapiteles
- 878-217,10      insigele / âne vâre . swenne ouch daz verrihtet wirdet / als dâ vore  
geschriben ist / sô sulen
- 878-217,11      die bürgen ledic sîn / und ire brieve / die umbe ire burcschaft gegeben sint  
/ wider geben
- 878-217,12      unde zuo aller dirre voregenanden stæteheit / sô hân wir disen brieve  
gegeben den burgeren /
- 878-217,13      under unserem ingesigele . diz geschach zuo Erpforte / nâch den  
voregenanden / jâren / an
- 878-217,14      dem tage als dâ vore geschriben ist .

- 914-271,8 ich Otto der burcgræve von Kirchberc bekenne offenlîche / unde tuon kunt allen
- 914-271,9 den / die disen brieve sehent oder hoerent lesen / daz ich an dem nâhesten donerstage nâch
- 914-271,10 sante Margarêten tage quam zuo Ekehartesberge vûre mînen hêrren den erzbischof
- 914-271,11 Heinrîch von Meinze / unde vûre andere hêrren / die hier nâch geschriben sint / unde mich
- 914-271,12 verzêch ganzelîche / unde lûterlîche / mit guotem willen / vûre mich / unde vûre alle mîn
- 914-271,13 erben / aller der anesprâche / vorderunge unde rehtes / daz ich hatte / oder mohte gehabet
- 914-271,14 haben / ûf die burc zuo Tuncdorf unde ûf allez daz / daz dâr zuo hoeret ez sî an liuten oder
- 914-271,15 an guote / an rehten unde an gerihten / oder swâr an ez sî . wan sich der voregenande mîn
- 914-271,16 hêrre der erzbischof von Meinze / verzigen hât ûf mich / unde ûf alle mîn erben / vûre
- 914-271,17 sich / unde vûre sînen stift / von Meinze aller der vorderunge / unde alles des schaden /
- 914-271,18 den ich / unde mîn erben / ime / unde dem stifte von Meinze biz an disen tac / getân
- 914-271,19 haben dirre dinge sint geziuc / unde wâren dâ gegenwertic / die êrbâren hêrren /
- 914-271,20 bischof Heinrîch von Merseburc / bischof Brûno von Niuwenburc / der junge lantgræve
- 914-271,21 Dietrîch von Dûringen / hêrre Vriderîch von Rabenswalt / unde hêrre Heinrîch von Stalberc
- 914-271,22 græven / hêrre Heinrîch der voget von Wîda / hêrre Berngêr von Meldingen / hêrre Ekehart
- 914-271,23 von Bleichenbach / hêrre Nikolaus von Scharpfenstein hêrre Swîkêr von Eppenstein / hêrre
- 914-271,24 Kuonrât vore gassen / unde ander êrbære rîtær unde liute . unde daz diz stæte veste / unde
- 914-271,25 unzerbrochen belîbe / sô hân ich der voregenande Otto burcgræve von Kirchberc mîn
- 914-271,26 insigele an disen brieve gehenket / zuo einem urkunde der wârheit . diz geschach unde
- 914-271,27 der brieve wart gegeben zuo Ekehartesberge an dem voregenanden donerstage / nâch sante
- 914-271,28 Margarêten tage . dô man zalte von gotes gebûrte . tûsent . zwei hundert / unde sibene unde
- 914-271,29 ahtzic jâr
- 1062-370,20 wî Albreht von gotes genâden lantgræve zuo Dûringen / tuon kunt allen den / den
- 1062-370,21 dirre brieve gewîset wirdet / daz wî uns mit unseme lieben sune Vriderîche / deme pfalenzgræven

- 1062-370,22 von Sahsen / vriuntlîchen unde guotlîchen geebenet haben / unde geeinet nâch
- 1062-370,23 unser liute râte / aller der werren / unde brüche / die wir zuo einander hatten / alsô hier
- 1062-370,24 nâch / geschriben stêt / wî lâzen unseme sune Vriderîche / Vrîberc / hûs unde stat / unde
- 1062-370,25 daz gebirge / mit alleme nutze unde mit alle deme rehte / alsô wî ez gehabet hân / unde
- 1062-370,26 lâzen unseme vore genanten sune / die stat zuo deme hagene über Elbe / mit deme gerihte
- 1062-370,27 unde mit allem deme nutze / der dâ zuo gehoeret / unde bînamen / Ortrant / Radeburc /
- 1062-370,28 Wartenbrügge / Mûleberc / ledic unde verlenet unde allez daz dâr zuo gehoeret / wî lâzen
- 1062-370,29 ouch ime Turgowe hûs ûnde stat lant ûnde liute / unde allez daz / dâr zuo gehoeret / unde
- 1062-370,30 benâmen / Belgeren / Domuts / ûnde Schiltouwe / mit alleme rehte alsô wî iz hatten / unde
- 1062-370,31 daz wî daz unseme sune halten / unde die vore genanten / vesten / unde / stücke / antworten
- 1062-370,32 vore mittevasten / die nû allernæheste wirdet / sô haben ime gesetzet Altenburc hûs
- 1062-370,33 unde stat / mit deme gerihte / unde mit alleme deme nutze / der dâ zuo gehoeret / Wîzensê
- 1062-370,34 hûs / unde stat / Perne hûs / unde stat / mit alleme deme / daz dâr zuo gehoeret / alsô wî
- 1062-370,35 iz hatten /. würden sich dise teidinge lengente / swenne / wî danne Eckehartesberge /
- 1062-370,36 Botenstete / unde Gota hûs unde stat / antworten / unde gewaltic machen / hêren Gebeharte
- 1062-370,37 von Querenfurte / græven Vriderîche von Rabenswalde / unde græven Heinrîche von Stalberc /
- 1062-370,38 sô is / Altenburc / ledic / der setze / dâ iz vore stêt / sundern Wîzensê mit Perne
- 1062-370,39 belîbet stênte / alsô vore / mit Gota / mit Eckehartesberc / unde mit Botenstete . swenne wî
- 1062-370,40 denne unseme sune Vriderîche / geantworten / Vrîberc / den hain unde Turgowe / alsô
- 1062-370,41 hier vore geschriben stêt / sô sîn unse pfant alle ledic / antworten wî aber ime vore mitten
- 1062-370,42 vasten niht dise vore genanten stücke / sô sal man unseme sune Vriderîche / dise vore
- 1062-370,43 genanten pfant / antworten / die dâ vore stên / unde daz sal den / âne vâre stên / die die pfant
- 1062-370,44 haben / über alle dise teidinc haben wir unseme sune Vriderîche enttriuwen gelobet / âne /
- 1062-370,45 arge list / sweliches tages wir von Rochelez riten daz wî dâr nâch / an deme vierden tage

- 1062-370,46 ob ez niht êr gesîn mac / zuo deme haine über / Elbe / in rîten / unde niemer eine / naht
- 1062-371,1 von dannen geligen / wider sînen willen / wî en haben ime Vríberc / den hain / unde
- 1062-371,2 Turgowe / geantwortet in sîne gewere / oder sînen liuten / die hê dâ zuo bescheidet / wære
- 1062-371,3 daz wî unseme sune / des got niht en wolle / dit gelübede bræchen / unde niht en hielten /
- 1062-371,4 sô sal unse sun / lantgræve Dieterîch / Gebehart von Querenfurte / græve Vriderîch von
- 1062-371,5 Rabenswalde / unde græve Heinrîch von Stalberc / zuo Zítze in rîten / binnen vierzên tagen /
- 1062-371,6 swenne sie es unse sun / Vriderîch gemanet / unde dannen niemer kumen / âne sînen willen /
- 1062-371,7 wî en haben ime geantwort die vesten / die voregenant sîn / geschæhe ouch des got niht
- 1062-371,8 en welle / daz wî stürben / êr wî unseme sune geendeten / sô sulen unse pfant / unde unse
- 1062-371,9 bürgen alle ledic sîn / wî bekennen ouch / daz unse süne / geleite / zolle / unde / jârmerkete /
- 1062-371,10 mit einander gelîche teilen sulen / âne die niune hundert marke / die wî / in / vore / in
- 1062-371,11 zollen / unde in / geleite gelâzen hatten . der sal unse sun Vriderîch / drî hundert haben /
- 1062-371,12 unde unse sun / Theoderich / sehse hundert / alsô sie vore hatten / dise rede is geschên zuo
- 1062-371,13 Rochelez / nâch gotes gebürte / tûsent jâr / zwei hundert jâr / in deme niun unde ahtzigesten
- 1062-371,14 jâre / an deme niuwen jâres tage . des sint geziuge die edelen liute Gebehart der burcgræve
- 1062-371,15 von Querenfurte / græve Vriderîch von Rabenswalde / græve Heinrîch von Stalberc /
- 1062-371,16 hêrre Heinrîch von Colditz / hêrre Jan von der sîden / hêrre Otte von Îsenberc / unde genuoc
- 1062-371,17 anderre êrhafter liute
- 1161A-435,33 in deme namen unses hêrren –
- 1161A-435,34 – . âmen .
- 1161A-435,35 hier hebet sich daz gerihte unses hêrren des
- 1161A-435,36 bischoves von Meinze daz hê hât in der getriuwen
- 1161A-435,37 stat zuo Erpfurte . âmen .
- 1161A-435,38 man bekennet unseme hêrren deme bischove
- 1161A-435,39 an sîneme gerihte zuo Erpfurte . kampfes .
- 1161A-435,40 gotesvrides . unde burcvrides . unde sîner âhte .
- 1161A-435,41 unde ouch der nôtnumft . unde alles des rehtes
- 1161A-435,42 daz hê von altere hât an sîneme gerihte gehabet .
- 1161A-435,43 unde swâ sîn schultheize oder sîn rihtære

1161A-435,44 niht vile wole zuo Erpfurte gerihten mac . dâ sal  
 1161A-435,45 der rât zuo helfen endelîche die des jâres ist .  
 1161A-435,46 daz unseme hêrren reht geschê . unde ouch deme  
  
 1161A-436,2 klagære . swenne der rât des gemanet wirdet  
 1161A-436,3 von deme rihtære unses hêrren .  
 1161A-436,4 von deme gotesvride . unde von deme burcvride  
 1161A-436,6 nieman sal den andern beklain umbe  
 1161A-436,7 backenslege . oder umbe scheltwort . oder  
 1161A-436,8 umbe roufen . in deme gotesvride unde in deme  
 1161A-436,9 burcvride . ez en sî bluotruns . oder heimsuoche .  
 1161A-436,10 oder tôtslac . oder knütelen mit bedâhten  
 1161A-436,11 muote .  
 1161A-436,12 dit ist daz reht von deme vrîen guote  
 1161A-436,13 daz dâ zinset ûf unses hêrren des bischoves  
 1161A-436,14 tisch . in der stat zuo Erpfurte . unde vore der  
 1161A-436,15 stat zuo Erpfurte .  
 1161A-436,16 swer vrîguot koufet zuo Erpfurte . daz sal  
 1161A-436,17 lîhen unses hêrren des bischoves schultheize .  
 1161A-436,18 unde der koufære des guotes sal ime  
 1161A-436,19 geben einen schillinc von der marc . dâr ane  
 1161A-436,20 mac der schultheize genâde wole tuon ob hê  
 1161A-436,21 wile gegen deme koufære .  
 1161A-436,22 dit ist daz reht des schultheizen von deme  
 1161A-436,23 vrîen guote .  
 1161A-436,24 ein iegelich man mac wole von sîneme vrîen  
 1161A-436,25 guote verkoufen . eineme marc geltes . oder minner  
 1161A-436,26 oder mê / alsô daz hê gebe unses hêrren  
 1161A-436,27 des bischoves schultheizen einen schillinc  
 1161A-436,28 von der marc .  
 1161A-436,29 von vrîe unde von erbe . daz man verkoufet  
 1161A-436,30 zuo Erpfurte .  
 1161A-436,31 wirdet ein vrîguot verkoufet dâ erbezins  
 1161A-436,32 ane ist . daz sal unses hêrren des bischoves  
 1161A-436,33 schultheize lîhen . zuo unses hêrren rehte .  
 1161A-436,34 unde der erbehêrre sal dâ bî sîn . unde sal daz  
 1161A-436,35 guot lîhen ouch zuo sîneme rehte . dâ sal bî sîn  
 1161A-436,36 der viztuom . unde der vrîbote . unde unses hêrren  
 1161A-436,37 schribære .  
 1161A-436,38 von vrîe unde von erbe daz man verkoufet  
 1161A-436,39 zuo Erpfurte .  
 1161A-436,40 an deme tage næhest sente Martines tage .  
 1161A-436,41 sô sal man den vrîen zins nemen . unde sal  
 1161A-436,42 ahte tage dâr zuo sitzen . unde en sal niht danne  
 1161A-436,43 niuwe pfenninge nemen . swenne iz aber kumet  
 1161A-436,44 an den ahten tac . sô sal der schultheize  
 1161A-436,45 sitzen über mitten tac . unde sal nemen liute dâr  
 1161A-436,46 zuo . daz hê zuo rehte habe gewartet des zinses .

1161A-437,2 swer aber den zins versûmet zuo gebene .  
 1161A-437,3 der wirdet buozhaft an eineme pfunde . unde der  
 1161A-437,4 vrîbote sal ime gebieten driu gebot drî tage  
 1161A-437,5 nâch einander . alsô manic gebot alse der  
 1161A-437,6 vrîbote gebiutet ime . alsô maniges pfundes  
 1161A-437,7 ist hê buozhaft deme schultheizen ûfe genâde .  
 1161A-437,8 mit der êrsten buoze . dâr nâch sal man ime  
 1161A-437,9 sîn vrî vroenen . stêt aber daz vrî jâr unde  
 1161A-437,10 tac in der vrône . sô sal daz vrî ledic sîn unseme  
 1161A-437,11 hêrren deme bischove . die wîle aber  
 1161A-437,12 ime die vrîbote niht gebiutet . sô belîbet hê  
 1161A-437,13 âne buoze . die êrsten buoze muoz hê aber geben  
 1161A-437,14 deme schribære ûfe genâde .  
 1161A-437,15 von deme koufe des vrîen guotes .  
 1161A-437,16 ist aber daz ieman eine marc oder zwô  
 1161A-437,17 mê oder minner verkoufet an sîneme vrîe . sô  
 1161A-437,18 sal geben der dâ koufet unseme hêrren deme  
 1161A-437,19 bischove den vrîen zins ûfe sînen tisch .  
 1161A-437,20 wær aber daz her in versûmete zuo gebene biz daz  
 1161A-437,21 man ime driu gebot getæte . sô wære hê  
 1161A-437,22 die buoze schuldic . die dâ vûre gebüret . unde  
 1161A-437,23 gevroenete man daz vrî unseme hêrren deme  
 1161A-437,24 bischove . sô vellet hê von der gûlte . die hê  
 1161A-437,25 ûfe deme vrîe gekoufet hatte . unde belîbet daz  
 1161A-437,26 unseme hêrren deme bischove . verrihtet  
 1161A-437,27 aber jene niht des daz vrî ist . oder der die  
 1161A-437,28 gûlte verkoufete . den zins unde die gûlte  
 1161A-437,29 unseme hêrren deme bischove . biz daz man  
 1161A-437,30 iz gevroenet . oder ûf geholet . sô vellet hê von  
 1161A-437,31 alle sîneme rehte . unde wirdet daz vrî unde daz  
 1161A-437,32 guot ledic deme bischove . dit sal man  
 1161A-437,33 halten von allen deme guote daz vrî heizet .  
 1161A-437,34 iz sî von altere verkoufet . oder swaz man  
 1161A-437,35 verkoufet iemer mêre .  
 1161A-437,36 von deme erbe daz dâ ist an vrîen guote .  
 1161A-437,37 nieman sal dechein erbe an decheineme  
 1161A-437,38 vrîen guote haben danne eine . aber alle sîn  
 1161A-437,39 anegeborenen erben solen gelîch teil dâr abe  
 1161A-437,40 haben .  
 1161A-437,41 von erbe unde von vrîen guote  
 1161A-437,42 swelich erbe oder vrî unses hêrren schultheize  
 1161A-437,43 lîhet . unde die erbehêrre mit einander .  
 1161A-437,44 daz von zehen marken ist oder dâr under . daz  
 1161A-437,45 sal man deme schultheizen halp geben . unde  
 1161A-437,46 deme erbehêrren halp . swaz aber über zehen  
  
 1161A-438,2 marke ist des sal werden deme erbehêrren

1161A-438,3 vüinv schillinge . unde daz dâr über ist . daz sal  
 1161A-438,4 man geben deme schultheizen ûfe genâde .  
 1161A-438,5 ander reht daz zuo deme vrîe gehoeret .  
 1161A-438,6 belîbet an alle deme rehte also iz ist von  
 1161A-438,7 alter her gestanten .  
 1161A-438,8 dit ist von der münze unses hêrren des  
 1161A-438,9 bischoves zuo Erpfurte in der stat .  
 1161A-438,10 swaz der man koufet kornes . unde gersten .  
 1161A-438,11 unde habern . dâ vone sol hê geben slegeschatz .  
 1161A-438,12 âne des hê darf . zuo biere . unde zuo brôte .  
 1161A-438,13 des ime niht ûfe deme velde wehset . oder  
 1161A-438,14 niht en hât an korngelte .  
 1161A-438,15 von deme korne daz kumet zuo Erpfurte .  
 1161A-438,16 swaz kornes kumet zuo Erpfurte in daz  
 1161A-438,17 wîchbîlede . oder in die stat unverkoufet . daz sal  
 1161A-438,18 man koufen mit niuwen pfenningen . oder man  
 1161A-438,19 sal dâ vone geben slegeschatz .  
 1161A-438,20 von deme slegeschatze .  
 1161A-438,21 ez en sal ouch nieman slegeschatzes ledic wesen .  
 1161A-438,22 hê sî pfaffe . oder leie . oder edele oder  
 1161A-438,23 gemeine liute . âne den münzmeister unses  
 1161A-438,24 hêrren des bischoves . unde die hûsgenôzen .  
 1161A-438,25 von deme zimberholze .  
 1161A-438,26 allez daz zimberholz daz man behouwen  
 1161A-438,27 hât mit der barten . daz sal man koufen mit  
 1161A-438,28 niuwen pfenningen . koufet man iz mit alten  
 1161A-438,29 pfenningen aber . sô sal man dâ vone geben  
 1161A-438,30 slegeschatz . âne daz holz . dâ vone man  
 1161A-438,31 machet lægeln . kuofen . unde boteche . unde aller leie  
 1161A-438,32 holwerc . dâ vone en slegeschatzet man  
 1161A-438,33 niht  
 1161A-438,34 von des gezimberholzes slegeschatze .  
 1161A-438,35 swelich man koufet ein vuoder gezimbers  
 1161A-438,36 daz zuo der barten gehoeret . daz sal hê koufen  
 1161A-438,37 mit niuwen pfenningen . koufet hê ez aber mit  
 1161A-438,38 alten pfenningen . sô sal hê zwêne pfenninge  
 1161A-438,39 geben zuo slegeschatze . verkoufet aber der waltman  
 1161A-438,40 von sîneme vuodere . ein holz oder zwei . alsô  
 1161A-438,41 daz hê daz vuoder brichet . sô sal hê geben  
 1161A-438,42 den slegeschatz selbe . unde der koufære niht .  
 1161A-438,43 von den lampvellen .  
 1161A-438,44 die lampvel sal man koufen mit niuwen  
 1161A-438,45 pfenningen . von deme guoten vrîtage nâch  
 1161A-438,46 mitteme tage . biz an den pfingestâbent nâch  
 1161A-438,47 mitteme tage .  
  
 1161A-439,2 von lanthopfen . unde von pferden  
 1161A-439,3 hopfen die dâ wehset in deme lande . unde

- 1161A-439,4 pferet die man koufet zuo halber marc unde dâr  
 1161A-439,5 under . unde niuwe waine . sal man koufen  
 1161A-439,6 mit niuwen pfenningen .  
 1161A-439,7 dit ist von deme burneholze daz zuo Erpfurte  
 1161A-439,8 kumet .  
 1161A-439,9 allez daz burneholz sal man koufen mit  
 1161A-439,10 pfenningen . unde mit scherpfen die dâ sint geworht  
 1161A-439,11 des jâres zuo Erpfurte ûfe deme îsene .  
 1161A-439,12 dit ist von der vuore des kornes unde der lægeln .  
 1161A-439,13 vüeret ein man ein vaz ûfe sîneme waine .  
 1161A-439,14 daz hê vüllen wolle mit biere . mit sîneme korne .  
 1161A-439,15 unde koufet hê daz bier mit deme selben korne .  
 1161A-439,16 dâ vone en sal hê niht slegeschätzen . ist aber  
 1161A-439,17 mêt kornes dâr über . dâ vone sal hê geben  
 1161A-439,18 slegeschatz .  
 1161A-439,19 von eines iegelîchen dinges slegeschätze .  
 1161A-439,20 von eines iegelîchen dinges koufe . en sal  
 1161A-439,21 man niht mêt slegeschatzes geben danne einen .  
 1161A-439,22 von der burgere slegeschätze in der stat zuo  
 1161A-439,23 Erpfurte .  
 1161A-439,24 ein iegelich burgere en sal decheinen  
 1161A-439,25 slegeschatz geben von deme dinge . daz hê  
 1161A-439,26 koufet wider sînen gegenburgere .  
 1161A-439,27 dit ist von der werunge des silbers der  
 1161A-439,28 geste zuo Erpfurt  
 1161A-439,29 swelich gast nimet silber umbe sînen  
 1161A-439,30 kouf zuo eineme burgere . sô sal der gast geben  
 1161A-439,31 den slegeschatz . unde der burgere niht .  
 1161A-439,32 dit ist von deme wehsele zuo Erpfurte in  
 1161A-439,33 der stat .  
 1161A-439,34 nieman sal wehseln silber mit  
 1161A-439,35 der wâge umbe pfenninge oder pfenninge  
 1161A-439,36 umbe silber . danne zuo deme münzmeistere .  
 1161A-439,37 oder zuo den hûsgenôzen . unde der münzmeister  
 1161A-439,38 die sal zuo allen zîten niuwe pfenninge  
 1161A-439,39 haben zuo deme wehsele .  
 1161A-439,40 von deme wehsele des loetigen silbers  
 1161A-439,41 ein iegelich burgere mac wole wehseln  
 1161A-439,42 loetic silber daz hê gelten sal . oder ûze deme  
 1161A-439,43 lande vüeren wile . hê ne sal aber dechein silber  
 1161A-439,44 wehseln . daz hê vort verkoufen wolle durch  
 1161A-439,45 geniez .  
 1161A-439,46 dit ist von den wehselæren die dâ sint zuo  
 1161A-439,47 Erpfurte .  
  
 1161A-440,2 ein iegelich valschære die dâ begriffen  
 1161A-440,3 wirdet mit valschen pfenningen . mit eineme  
 1161A-440,4 schillinge oder mê . deme sal man slân abe

- 1161A-440,5 die hant . wirdet aber begriffen valsch bî deme  
 1161A-440,6 münzmeistere . oder bî den hûsgenôzen .  
 1161A-440,7 oder bî andern die münzen können . den gêt  
 1161A-440,8 iz an den lîp .  
 1161A-440,9 dit ist von den umbeschrôtelingē der  
 1161A-440,10 pfenninge .  
 1161A-440,11 swer mit umbeschrôtelingen daz dâ heizet  
 1161A-440,12 genôste . begriffen wirdet . mit eineme setine . daz  
 1161A-440,13 gêt ime an die hant . mit eineme lôte an den lîp .  
 1161A-440,14 dit ist von valscheme geloete unde wâgen .  
 1161A-440,15 der münzmeister der sal war nemen  
 1161A-440,16 valsches geloetes unde wâgen . bî sweme hê  
 1161A-440,17 daz vindet . der sal ime wetten . driu pfunt  
 1161A-440,18 unde driu scherp f ûfe genâde . vindet man aber  
 1161A-440,19 anderweide bî deme selben manne valsch geloete  
 1161A-440,20 oder wâge . daz gêt ime an sîne hant .  
 1161A-440,21 zuo deme dritten mâle an den lîp .  
 1161A-440,22 von den essen dâ man silber ûfe burnet .  
 1161A-440,23 ez en sal nieman haben ein essen dâ man .  
 1161A-440,24 silber ûfe burne . danne der münzmeister . unde  
 1161A-440,25 die hûsgenôzen . unde goltsmide . unde stüppeweschære .  
 1161A-440,26 swâ sie mêr vunden werden aber .  
 1161A-440,27 daz gêt an die hant .  
 1161A-440,28 dit ist von silber burnene .  
 1161A-440,29 ein iegelich goltsmit sal loetic burnen  
 1161A-440,30 under sîneme zeichene . en tæte hê des niht .  
 1161A-440,31 sô wirdet hê buozhaft an drîn pfunden unde an  
 1161A-440,32 drîn scherpfen deme münzmeistere . ûfe  
 1161A-440,33 genâde . unde sal eineme iegelîchen also hê geburnet .  
 1161A-440,34 den hert ûf heben die es muotet .  
 1161A-440,35 en burnet hê aber niht loetic under sîneme  
 1161A-440,36 zeichene . daz sal hê ûf rihten eineme iegelîchen  
 1161A-440,37 deme es nôt geschêt .  
 1161A-440,38 dit ist von deme seigære des münzmeisters .  
 1161A-440,39 ez en sal ouch nieman haben decheinen  
 1161A-440,40 seigær . danne der münzmeister . swâ hê aber  
 1161A-440,41 mê vunden wirdet . daz gêt an die hant .  
 1161A-440,42 dit ist von eiden der goltsmide .  
 1161A-440,43 alle goltsmide solen iegelîches jâres swern  
 1161A-440,44 deme münzmeistere . daz sie burnen rehte .  
 1161A-440,45 unde melden swer genôste lâze burnen .  
 1161A-440,46 dit ist von den hûsgenôzen .  
  
 1161A-441,2 der hûsgenôzen solen sehszehene sîn .  
 1161A-441,3 zwelive die dâ wirken können mit hamere  
 1161A-441,4 unde mit zangen . unde viere von genâden .  
 1161A-441,5 von den pfenningen die des jâres solen  
 1161A-441,6 gên .

1161A-441,7 man sal iegeliches jâres zuo sente Jakobes  
1161A-441,8 tage niuwe pfenninge slahen . aber mê  
1161A-441,9 münze erpfurtischer pfenninge danne eine  
1161A-441,10 mügen gên . ob iz deme münzmeistere behait .  
1161A-441,11 unde der münzmeister der sal nemen  
1161A-441,12 dâr zuo die hûsgenôzen . unde swen hê wile . unde  
1161A-441,13 sal die pfenninge machen daz sie vüegen der  
1161A-441,14 stat . unde deme lande . unde die pfenninge sulen  
1161A-441,15 alle wîz sîn .  
1161A-441,16 dit ist von des münzmeisters luogærn zuo  
1161A-441,17 Erpfurte .  
1161A-441,18 swen des münzmeisters knehte die dâ  
1161A-441,19 zuo gesworen hânt . oder die hûsgenôzen besain  
1161A-441,20 ûf iren eit . daz hê gewehselt habe . deme sal  
1161A-441,21 der münzmeister zuo hant lâzen gebieten in  
1161A-441,22 sînen hov . unde daz gebot en sal niht übernehtic  
1161A-441,23 werden . tar aber der man verrihten dâ  
1161A-441,24 vüre . den eit mac nemen der münzmeister  
1161A-441,25 ob hê wile . bekennet aber hê . sô sal hê wetten  
1161A-441,26 deme münzmeistere driu pfunt unde driu  
1161A-441,27 scherpf . ûfe sîne genâde .  
1161A-441,28 von versuochunge der pfenninge .  
1161A-441,29 unse hêrre der vizetuom . oder der münzmeister  
1161A-441,30 unses hêrren des bischoves . mügen  
1161A-441,31 sweliche zît si wellen versuochen der hûsgenôzen  
1161A-441,32 pfenninge . obe sie gereht sîn . grîfente  
1161A-441,33 in ire biutele .  
1161A-441,34 dit ist aber von versuochunge der pfenninge  
1161A-441,35 swenne aber die burgere dunket . daz sich die  
1161A-441,36 pfenninge wandeln an der wîze unde an der  
1161A-441,37 swærde . sô solen sie manen unsen hêrren den  
1161A-441,38 vizetuom . oder den münzmeister unses hêrren  
1161A-441,39 des bischoves . daz sie grîfen in der hûsgenôze  
1161A-441,40 biutele unde versuochen daz . swenne  
1161A-441,41 aber sie des gemanet werden von den burgeren .  
1161A-441,42 sô sulen sie zehant gên mit den burgeren  
1161A-441,43 unde solen daz versuochen . vindet man  
1161A-441,44 aber die pfenninge zuo liht oder zuo swarz  
1161A-441,45 oder zuo hart . daz sal man rihten mit deme  
1161A-441,46 rehte . daz dâ vore geschriben ist .

1161A-442,2 von deme wehsele .  
1161A-442,3 der münzmeister unde die hûsgenôzen solen  
1161A-442,4 zuo wehsele sitzen mit niuwen pfenningen .  
1161A-442,5 unde niht mit alten .  
1161A-442,6 dit ist ouch von deme wehsele der  
1161A-442,7 pfenninge .  
1161A-442,8 swelich hûsgenôze zuo wehsele sitzt mit

1161A-442,9 alten pfenningen . wirdet hê des mit rehte  
 1161A-442,10 überredet . sô wirdet hê buozhaft unseme hêrren  
 1161A-442,11 deme bischove oder sîneme münzmeistere .  
 1161A-442,12 drîer pfunde unde drîer scherpfe ûfe genâde .  
 1161A-442,13 von unerjeteneme silbere .  
 1161A-442,14 swelicher hande silber daz man wehselt  
 1161A-442,15 an deme banke . daz sal man wider brengen  
 1161A-442,16 zuo deme îsene unte erjeten .  
 1161A-442,17 von der werunge des silbers unde pfenningen .  
 1161A-442,18 ein iegelich hûsgenôze die dâ wehselte an  
 1161A-442,19 deme banke silber . die sal dâ selbens weren  
 1161A-442,20 mit niuwen pfenningen . unde niergen anders .  
 1161A-442,21 noch nieman anders sal ouch weren mit  
 1161A-442,22 alten pfenningen vûre in . tuot hê ez dâr über .  
 1161A-442,23 sô ist hê buozhaft unseme hêrren deme bischove  
 1161A-442,24 oder sîneme münzmeistere drîer  
 1161A-442,25 pfunde unde drîer scherpfe ûfe genâde .  
 1161A-442,26 von der ambahten rehte .  
 1161A-442,27 unses hêrren des bischoves schultheize .  
 1161A-442,28 marketmeister . unde münzmeister . unde der  
 1161A-442,29 vôt unses hêrren des græven . unde des vizetuomes  
 1161A-442,30 gesinde . die zuo ireme brôte gên . unde die  
 1161A-442,31 in ireme hûse slâfen . über die sulen sie rihten .  
 1161A-442,32 en tæten sie des niht . sô sal der schultheize  
 1161A-442,33 unses hêrren des bischoves rihten über daz  
 1161A-442,34 selbe gesinde . der bütel der en sal aber  
 1161A-442,35 niht gebieten deme gesinde in ires hêrren  
 1161A-442,36 hûse . hê sal aber ime gebieten swâ man iz  
 1161A-442,37 geseit an der strâze . oder anderswâ . vûre den  
 1161A-442,38 schultheizen . die sal danne über iz rihten  
 1161A-442,39 nâch rehte .  
 1161A-442,40 dit ist von deme marketmeisterambahte  
 1161A-442,41 unses hêrren des bischoves .  
 1161A-442,42 der marketmeister der sal sînen . zol  
 1161A-442,43 nemen von aller hande liuten alse sie verkoufet  
 1161A-442,44 haben . unde die wîle sie niht verkoufet haben .  
 1161A-442,45 sô en sal man sie niht pfenden umbe den  
 1161A-442,46 zol . ist aber daz ein man ein teil verkoufet  
 1161A-442,47 von sîneme waine . sô sal hê sînen zol  
  
 1161A-443,2 geben . oder ein pfant biz daz hê allez verkoufe .  
 1161A-443,3 ob iz der zolnær eische oder niht .  
 1161A-443,4 gibet hê danne deme zolnære niht sînen zol .  
 1161A-443,5 sô var hê ûf sîn reht .  
 1161A-443,6 von deme der zolles ledic sal wesen oder  
 1161A-443,7 niht .  
 1161A-443,8 pfaffen unde rîtare unde rîtare kint . unde  
 1161A-443,9 begebene liute . die en solen niht zollen . ez

1161A-443,10 en sî daz sie koufen ireme gesinde an ireme  
 1161A-443,11 verdienteme lône gewant . oder vremen  
 1161A-443,12 liuten eteswaz . dâ vone solen sie danne zollen .  
 1161A-443,13 dit ist ouch von deme zolle den man gibet .  
 1161A-443,14 koufet aber ein pfaffe oder ein rîtær ûfe  
 1161A-443,15 winnung etewaz . des hê wolle vort geniezen .  
 1161A-443,16 dâ vone sal hê zol geben .  
 1161A-443,17 eines iegelîchen burgers gesinde . en sal  
 1161A-443,18 decheinen zol geben . ez en sî danne alsô . daz  
 1161A-443,19 iz koufe . oder verkoufe . des iz vort wolle  
 1161A-443,20 geniezen . dâ vone sal iz danne geben sîn  
 1161A-443,21 marketreht  
 1161A-443,22 von zolle .  
 1161A-443,23 alle unses hêrren des bischoves liute . unde  
 1161A-443,24 unses hêrren des græven . unde unses hêrren des  
 1161A-443,25 vizetuomes . die iz von altere zuo rehte verhaben  
 1161A-443,26 solen sîn . die en solen decheinen zol geben .  
 1161A-443,27 von den zolle den man entvüeret ûz der stat .  
 1161A-443,28 swie den zol entvüeret oder entreit . über  
 1161A-443,29 die ûzern brüggen . deme sal der zolnær nâch  
 1161A-443,30 volgen . unde sal in ûf halten . in deme wîchbîlede .  
 1161A-443,31 unde niht dâr ûze . unde sal  
 1161A-443,32 in vüeren vüre sînen hêrren . mac aber der  
 1161A-443,33 man brengen . daz hê den zol gegeben habe .  
 1161A-443,34 sô is hê ledic . en mac hê des niht getuon .  
 1161A-443,35 sô sal hê wetten driu pfunt unde driu scherpf  
 1161A-443,36 ûfe des marketmeisters genâde . kumet aber  
 1161A-443,37 hê des enwec . unde wirdet daz . übernehtic .  
 1161A-443,38 sô en mac ime der marketmeister decheine  
 1161A-443,39 schult gegeben .  
 1161A-443,40 dit ist ouch von deme zolle den man gibet  
 1161A-443,41 von maniger hande dinge .  
 1161A-443,42 alsô manic man alse ûf einen wain sîn  
 1161A-443,43 dinc leget zuo vüerende . alsô manigen zol sal  
 1161A-443,44 man geben dâ vone . die dâ ûzewentic der  
 1161A-443,45 stat gesezzen ist .

1161A-444,2 wie man zollen sal .  
 1161A-444,3 von eineme schillinge . unde dâr über . sal man  
 1161A-444,4 geben einen pfenninc zuo zolle . unde dâr  
 1161A-444,5 under biz an sehs pfenninge . ein scherpf . under  
 1161A-444,6 sehs pfennigen aber . en sal man niht zollen .  
 1161A-444,7 dit ist von deme zolle der geste  
 1161A-444,8 swelich gast die ûzewentic landes ist . unde  
 1161A-444,9 kumet zuo Erpfurte mit eineme waine . oder mit  
 1161A-444,10 eineme karren geladen . daz hê nider leit von  
 1161A-444,11 deme waine . ob hê entledet . dâ vone gibet  
 1161A-444,12 hê vier pfenninge . dâ vone aber daz hê ûf

1161A-444,13 ledet . dâ vone gibet hê aber vier pfenninge .  
 1161A-444,14 unde von deme karren nider zuo legene  
 1161A-444,15 gibet hê zwêne pfenninge . unde ûf zuo ladene  
 1161A-444,16 aber zwêne pfenninge . unde decheinen zol .  
 1161A-444,17 dit ist von deme zolle der waine unde der  
 1161A-444,18 karren .  
 1161A-444,19 gêt aber ein geladen wain oder karre  
 1161A-444,20 durch die stat . oder umbe die stat durch die  
 1161A-444,21 windischen gehöuwen . oder durch den brüel .  
 1161A-444,22 oder umbe der juden grap daz bî den  
 1161A-444,23 siechen ist . der sal zol geben .  
 1161A-444,24 von deme unrechten bûwe .  
 1161A-444,25 der marketmeister sal ouch rihten über  
 1161A-444,26 unrechten gebû . unde über gazzen . unde über  
 1161A-444,27 unrechten überhanc . unde von wegen . unde  
 1161A-444,28 kamern die zuo wege gên . unde über mist die  
 1161A-444,29 dâ liget in der strâze .  
 1161A-444,30 dit ist von deme geleite der burgere unde  
 1161A-444,31 rihtære .  
 1161A-444,32 swen die burgere unde die rihtære mit  
 1161A-444,33 einander zuo Erpfurte geleiden . den en sulen die  
 1161A-444,34 geistlichen rihtære an nihte bekumben  
 1161A-444,35 zuo deme mâle .  
 1161A-444,36 dit ist von den wînschrôtærn .  
 1161A-444,37 die wînschrôtære solen nemen vier pfenninge  
 1161A-444,38 von eineme vuodere ûf zuo schrôtene . unde  
 1161A-444,39 drî pfenninge nider zuo schrôtene . ist iz aber  
 1161A-444,40 alsô . daz sie niht eineme burgere mûgen oder  
 1161A-444,41 wollen helfen . mac hê selbe daz vuoder ûf oder  
 1161A-444,42 nider gelegen . oder tuot iz ieman ime zuo  
 1161A-444,43 helfe . daz stêt ime âne vâre . irrent sie aber  
 1161A-444,44 einen gast mê danne über naht . sô solen sie  
 1161A-444,45 ime die kost abe legen .  
 1161A-444,46 von den schrôtleitern .  
 1161A-444,47 ein iegelich burgere mac wole eine langen  
 1161A-444,48 leitern unde eine kurze haben zuo schrôtene . unde  
  
 1161A-445,2 ein seil . ein iegelich burgere mac schrôten  
 1161A-445,3 ûf oder nider ein halp vuoder âne vâre in  
 1161A-445,4 sîn hûs . verwarlôsen aber die wînschrôtære  
 1161A-445,5 eines mannes wîn oder bier . oder anders waz .  
 1161A-445,6 daz sie ûf oder nider schrôten . daz solen sie  
 1161A-445,7 selbe gelten . sie sulen ouch gereite sîn unseme  
 1161A-445,8 hêrren deme bischove zuo schrôtene âne  
 1161A-445,9 lôn sînen wîn oder sîn bier . hê sî engegenwertic  
 1161A-445,10 oder niht .  
 1161A-445,11 von deme gewantsnîdene  
 1161A-445,12 nieman sal gewant snîden zuo Erpfurte .

- 1161A-445,13 danne ûfe deme vrîe unses hêrren des bischoves  
 1161A-445,14 under den gademen . swie iz dâr  
 1161A-445,15 über tuot . wirdet hê es mit rehte besaht . die sal  
 1161A-445,16 geben unsen hêrren den burgern vûnv  
 1161A-445,17 schillinge . unde vûnv schillinge unses hêrren  
 1161A-445,18 des bischoves marketmeistere zuo buoze . ez  
 1161A-445,19 mac aber ein iegelich man wole ein ganz  
 1161A-445,20 tuoch koufen des hê darf ime zuo kleidern .  
 1161A-445,21 oder sîneme gesinde . unde snîde daz âne vâre .  
 1161A-445,22 von deme schultheizen ambahte in dem brüele  
 1161A-445,23 der schultheize in deme brüele sal haben  
 1161A-445,24 sîne reht an allen stücken . also iz von altere  
 1161A-445,25 ist geweset . unde sal lîhen allez daz guot dâ  
 1161A-445,26 man ime vone zinset . unde der schultheize  
 1161A-445,27 in der stat . die sal lîhen allez daz guot . dâ  
 1161A-445,28 man ime vone zinset zuo koufmannekirechen .  
 1161A-445,29 âmen .
- 1161B-435,33 in dem namen unsers hêrren  
 1161B-435,34 – – âmen .  
 1161B-435,35 hier hebet sich daz gerihte . des erzebischoves  
 1161B-435,36 unde sînes stiftes von Meinze . daz  
 1161B-435,37 er hât . in der stat zuo Erpfurte . âmen .  
 1161B-435,38 man bekennet dem erzebischove von  
 1161B-435,39 Meinze / an sînem gerihte zuo Erpfurte .  
 1161B-435,40 kampfes . gotesvrides . unde burcvrides .  
 1161B-435,41 unde sîner âhte unde ouch der nôtnumft .  
 1161B-435,42 unde alles des rehtes . daz er von altere hât  
 1161B-435,43 an sînem gerihte gehabet . unde swâ sîn  
 1161B-435,44 schultheize oder sîn rihtære niht vile wole  
 1161B-435,45 zuo Erpfurte gerihten mac dâ sol der rât  
 1161B-435,46 zuo helfen endelîche die des jâres ist . daz
- 1161B-436,2 dem erzebischove reht geschê . unde ouch  
 1161B-436,3 deme klagære . swenne der rât des gemanet  
 1161B-436,4 wirdet von deme rihtære . des erzebischoves .  
 1161B-436,5 von deme gotesvride . unde von deme  
 1161B-436,6 burcvride .  
 1161B-436,7 nieman sal den andern beklagen umbe  
 1161B-436,8 backenslege . oder umbe scheltwort . oder  
 1161B-436,9 umbe roufen in deme gotesvride . und in  
 1161B-436,10 dem burcvride . ez en sî \*bluotrunst . oder heimsuoche .  
 1161B-436,11 oder tôtslac . oder \*knüteln mit bedâhtem  
 1161B-436,12 muote .  
 1161B-436,13 dit ist daz reht von dem vrîen guote .  
 1161B-436,14 daz dâ zinset ûf des erzebischoves tisch .  
 1161B-436,15 in der stat zuo Erpfurte . unde vore der stat zuo  
 1161B-436,16 Erpfurte .

1161B-436,17 swer vrîguot koufet zuo Erpfurte . daz sal  
 1161B-436,18 lîhen des erzebischoves schultheize . unde  
 1161B-436,19 der koufære des guotes sal ime geben einen  
 1161B-436,20 schillinc von der marc . dâr an mac der  
 1161B-436,21 schultheize genâde wole tuon ob er wile / gegen  
 1161B-436,22 deme koufære .  
 1161B-436,23 dit ist daz reht des schultheizen von  
 1161B-436,24 deme vrîen guote .  
 1161B-436,25 ein ieglich man mac wole von sînem  
 1161B-436,26 vrîen guote verkoufen ein marc geltes .  
 1161B-436,27 oder minner oder mêr . alsô . daz er gebe  
 1161B-436,28 des erzebischoves schultheizen einen  
 1161B-436,29 schillinc von der marc .  
 1161B-436,30 von vrîe und von erbe . daz man verkoufet  
 1161B-436,31 in der stat zuo Erpfurte .  
 1161B-436,32 wirdet ein vrîguot verkoufet . dâ erbezins an  
 1161B-436,335 ist .  
 1161B-436,33 daz sal des erzebischoves schultheize  
 1161B-436,34 lîhen zuo des bischoves rehte . unde der erbehêrre  
 1161B-436,35 sal dâ bî sîn . und sal daz guot lîhen  
 1161B-436,36 ouch zuo sînem rehte . dâ sal bî sîn der vizetuom  
 1161B-436,37 und der vrîbote . unde des bischoves  
 1161B-436,38 schribære .  
 1161B-436,39 von vrîe unde von erbe daz man verkoufet  
 1161B-436,40 zuo Erpfurte .  
 1161B-436,41 an deme tage \*næheste \*sancte Martines tage .  
 1161B-436,42 sô sal man den vrîen zins nemen . und  
 1161B-436,43 sal ahte tage dâr zuo sitzen . unde sal niht  
 1161B-436,44 danne niuwe pfenninge nemen . swenne iz  
 1161B-436,45 aber kumet an den \*achten tac . sô sal der  
 1161B-436,46 schultheize sitzen über mitten tac . und  
 1161B-436,47 sal nemen liute dâr zuo . daz er zuo rehte  
 1161B-436,48 habe \*gewartet des zinses . swer aber den  
  
 1161B-437,2 zins versûmet zuo gebene der wirdet buozhaft  
 1161B-437,3 an einem pfunde . unde der vrîbote / sal ime  
 1161B-437,4 gebieten driu gebot . drî tage nâch einander .  
 1161B-437,5 alsô manic gebot / alse der vrîbote gebiutet  
 1161B-437,6 ime . alse maniges pfundes ist er buozhaft .  
 1161B-437,7 deme schultheizen ûf genâde / mit der  
 1161B-437,8 êrsten buoze . dâr nâch sal man ime sîn  
 1161B-437,9 vrî vroenen . stêt aber daz vrî jâr und tac  
 1161B-437,10 in der vrône . sô sal daz vrî / ledic sîn / dem  
 1161B-437,11 erzebischove von Meinze . die wîle aber  
 1161B-437,12 ime der vrîbote niht gebiutet . sô belîbet  
 1161B-437,13 er âne buoze . die êrsten buoze muoz er  
 1161B-437,14 aber geben deme schribære ûf genâde .  
 1161B-437,15 von deme koufe . des vrîen guotes .

1161B-437,16 ist aber daz ieman eine marc oder zwô / mêt  
 1161B-437,17 oder minner verkoufet an sîneme vrîe . sô sal  
 1161B-437,18 geben der dâ koufet deme erzebischove  
 1161B-437,19 den vrîen zins / ûf sînen tisch . wær aber  
 1161B-437,20 daz er in versûmete zuo gebene / \*biz daz man  
 1161B-437,21 ime driu gebot getæte . sô wær er die buoze  
 1161B-437,22 schuldic / die dâ vûre gebûret unde gevrônte  
 1161B-437,23 man daz vrî deme erzebischove . sô vellet  
 1161B-437,24 er von der gûlte . die er ûfe dem vrîe  
 1161B-437,25 gekoufet hatte . unde belîbet daz deme erzebischove .  
 1161B-437,26 verrihtet aber jener niht des daz  
 1161B-437,27 vrî ist / oder der die gûlte verkoufete / den zins /  
 1161B-437,28 und die gûlte / dem erzebischove / \*biz daz  
 1161B-437,29 man iz gevroenet / oder ûf geholet . sô vellet  
 1161B-437,30 er von allem sînem rehte / unde wirdet daz  
 1161B-437,31 vrî / unde daz guot ledic deme erzebischove .  
 1161B-437,32 dit sal man halten von allem deme guote  
 1161B-437,33 daz vrî heizet . ez sî von altere verkoufet .  
 1161B-437,34 oder swaz man verkoufet iemer mêre .  
 1161B-437,35 von deme erbe . daz dâ ist an vrîem guote  
 1161B-437,36 nieman sal dechein erbe / an decheineme  
 1161B-437,37 vrîen guote haben danne eine / aber alle sîn \*anegeborenen  
 1161B-437,38 erben solen gelîch teil \*dâr abe haben .  
 1161B-437,39 von erbe \*unde von vrîem guote .  
 1161B-437,40 swelich erbe oder vrî / des erzebischoves  
 1161B-437,41 schultheize lîhet / unde die erbehêrren mit  
 1161B-437,42 einander . daz von zehen marken ist / oder  
 1161B-437,43 \*dâr under . daz sal man deme schultheizen  
 1161B-437,44 halp geben . unde deme erbehêrren halp .  
 1161B-437,45 swaz aber über zehen marke ist / des sal  
 1161B-437,46 werden deme erbehêrren vûnv schillinge und  
 1161B-437,47 daz dâr über ist / daz sal man geben dem  
 1161B-437,48 schultheizen ûfe genâde . ander reht daz  
  
 1161B-438,2 zuo deme vrîe gehoeret . belîbet an allem deme  
 1161B-438,3 rehte / als ez ist von alter her gestanten .  
 1161B-438,4 dit ist von der münze des erzebischoves  
 1161B-438,5 von Meinze zuo Erpfurte in der stat .  
 1161B-438,6 swaz der man koufet kornes unde gersten /  
 1161B-438,7 unde habern . dâ von sal er geben slegeschatz /  
 1161B-438,8 âne / des er darf zuo biere . unde zuo  
 1161B-438,9 brôte / des ime niht / ûf deme velde wehset .  
 1161B-438,10 oder niht en hât an korngelte .  
 1161B-438,11 von deme korne / daz kumet zuo Erpfurte .  
 1161B-438,12 swaz kornes kumet zuo Erpfurte in daz  
 1161B-438,13 wîchbiledede / oder in die stat unverkoufet . daz  
 1161B-438,14 sal man koufen mit niuwen pfenningen . oder  
 1161B-438,15 man sal dâ von geben slegeschatz .

- 1161B-438,16 von deme slegeschatze .  
 1161B-438,17 ez en sal ouch nieman slegeschatzes ledic  
 1161B-438,18 sîn . er sî pfaffe oder leie / oder edele / oder  
 1161B-438,19 gemeine liute / âne den münzmeister des  
 1161B-438,20 erzebischoves unde die \*hûsgenôzen .  
 1161B-438,21 von deme zimberholze .  
 1161B-438,22 allez daz zimberholz / daz man behouwen  
 1161B-438,23 hât mit der barten . daz sal man koufen mit  
 1161B-438,24 niuwen pfenningen / koufet man ez mit alten  
 1161B-438,25 pfenningen aber . sô sal man dâ von geben  
 1161B-438,26 slegeschatz . âne daz holz dâ von man  
 1161B-438,27 machet lægeln . kuofen . unde boteche . unde  
 1161B-438,28 aller leie holwerc . dâ von en slegeschatzet  
 1161B-438,29 er niht .  
 1161B-438,30 von des zimberholzes slegeschatze .  
 1161B-438,31 swelich man koufet ein vuoder gezimbers /  
 1161B-438,32 daz zuo der barten gehoeret daz sol er koufen  
 1161B-438,33 mit niuwen pfenningen . koufet er ez aber mit  
 1161B-438,34 alten pfenningen / sô sal er zwêne pfenninge  
 1161B-438,35 geben zuo slegeschatze . verkoufet aber  
 1161B-438,36 der waltman von sîneme vuodere / ein holz /  
 1161B-438,37 oder zwei / alsô / daz er daz vuoder brichet  
 1161B-438,38 sô sal er geben den slegeschatz selbe . unde  
 1161B-438,39 der koufare niht .  
 1161B-438,40 von den lampvellen .  
 1161B-438,41 die lampvel sal man koufen mit niuwen  
 1161B-438,42 pfenningen / von deme guotem vrîtage nâch  
 1161B-438,43 mittem tage . biz an den pfingestâbent nâch  
 1161B-438,44 mitteme tage .  
 1161B-438,45 von lanthopfen / unde von pferden .  
 1161B-438,46 hopfen die dâ . wehset in \*deme lande unde  
 1161B-438,47 pfert die man koufet zuo halber marc / unde  
 1161B-438,48 dâr under . unde niuwe wagene / sal sal man  
  
 1161B-439,2 koufen mit niuwen pfenningen .  
 1161B-439,3 dit ist von deme \*burneholze / daz zuo Erpfurte  
 1161B-439,4 kumet .  
 1161B-439,5 allez daz \*burneholz / sal man koufen mit  
 1161B-439,6 pfenningen / unde mit / scherpfen / die dâ sint  
 1161B-439,7 geworht des jâres zuo Erpfurte ûf deme îsene  
 1161B-439,8 dit ist von der vuore / des kornes und der  
 1161B-439,9 lægelen .  
 1161B-439,10 vüeret ein man ein vaz ûf sîneme wagene /  
 1161B-439,11 daz er vûllen wolle mit biere / mit sîneme  
 1161B-439,12 korne / unde koufet er daz biere / mit deme  
 1161B-439,13 selben korne / dâ von en sal er niht slegeschatzen .  
 1161B-439,14 ist aber \*mêre kornes dâr über . dâ  
 1161B-439,15 von sal er geben slegeschatz

- 1161B-439,16 von eines iegelîchen dinges slegeschatze .  
 1161B-439,17 von eines iegelîchen dinges koufe en sal  
 1161B-439,18 man niht \*mêre slegeschatzes geben . danne  
 1161B-439,19 einen .  
 1161B-439,20 von der burgere slegeschatze zuo Erpfurte .  
 1161B-439,21 ein iegelich burger en sal decheinen slegeschatz  
 1161B-439,22 geben / von deme dinge daz er koufet /  
 1161B-439,23 wider sînen gegenburgere .  
 1161B-439,24 dit ist von der werunge des silbers der  
 1161B-439,25 geste zuo Erpfurte .  
 1161B-439,26 swelich gast nimet silber umbe sînen  
 1161B-439,27 kouf / zuo eineme burgere . sô sal der gast geben  
 1161B-439,28 den slegeschatz . unde der burgere  
 1161B-439,29 niht  
 1161B-439,30 dit ist von deme wehsele zuo  
 1161B-439,31 Erpfurte in der stat  
 1161B-439,32 nieman sal wehselen silber mit der wâge  
 1161B-439,33 umbe pfenninge / oder pfenninge umbe  
 1161B-439,34 silber . danne zuo dem \*münzemeistere / oder zuo  
 1161B-439,35 den hûsgenôzen . unde der münzmeister  
 1161B-439,36 der sal zuo allen zîten niuwe pfenninge  
 1161B-439,37 haben zuo dem wehsele .  
 1161B-439,38 von deme wehsele des loetigen silbers  
 1161B-439,39 ein iegelich burgere mac wole wehseln  
 1161B-439,40 loetic silber . daz er gelten sal . oder ûze  
 1161B-439,41 deme lande vüeren wile . er en sal aber dechein  
 1161B-439,42 silber wehseln daz er vore verkoufen wolle  
 1161B-439,43 durch geniez .  
 1161B-439,44 dit ist von den wehselæren die dâ sint zuo  
 1161B-439,45 Erpfurte .  
 1161B-439,46 ein iegelich valschære die dâ begriffen  
 1161B-439,47 wirdet mit \*valschen pfennigen mit eineme  
 1161B-439,48 schillinge / oder mêt / deme sal man slahen  
  
 1161B-440,2 abe die hant . wirdet aber begriffen valsch /  
 1161B-440,3 bî deme münzemeistere / oder bî den hûsgenôzen /  
 1161B-440,4 oder bî andern / die münzen  
 1161B-440,5 kunnen den gêt ez an den lîp .  
 1161B-440,6 dit ist von valschem \*geloete unde wâgen .  
 1161B-440,7 der \*münzmeister der sal war nemen \*valsches  
 1161B-440,8 geloetes unde wâgen . bî sweme er daz  
 1161B-440,9 vindet der sal ime wetten driu pfunt . unde  
 1161B-440,10 driu scherpf ûf genâde . vindet man aber  
 1161B-440,11 anderweide / bî deme selben manne valsch geloete .  
 1161B-440,12 oder wâge . daz gêt ime an sîn hant .  
 1161B-440,13 zuo deme \*drittem mâle / an den lîp .  
 1161B-440,14 dit ist von den umbeschrôtelingē der  
 1161B-440,15 pfenninge .

- 1161B-440,16 swer mit umbeschrôtelingen / daz dâ  
 1161B-440,17 heizet genôste begriffen wirdet mit eineme  
 1161B-440,18 setine . daz gêt ime an die hant . mit eineme  
 1161B-440,19 lôte an den lîp  
 1161B-440,20 von den essen dâ man silber ûf burnet .  
 1161B-440,21 ez en sal nieman haben ein essen dâ man  
 1161B-440,22 silber ûfe burne . danne der münzemeister  
 1161B-440,23 unde die hûsngenôzen / unde . goltsmide /  
 1161B-440,24 unde stüppeweschære . swâ si mêre vunden  
 1161B-440,25 werden aber . daz gêt an die hant  
 1161B-440,26 dit ist von silber burnene .  
 1161B-440,27 ein iegelich goltsmit sal loetic burnen under  
 1161B-440,28 sînem zeichene . en tæte er des niht . sô wirdet  
 1161B-440,29 er . buozhaft an drîn pfunden . und an drîn  
 1161B-440,30 scherpfen dem münzmeister ûf genâde .  
 1161B-440,31 und sal eineme iegelîchem als er geburnet / den  
 1161B-440,32 hert ûf heben . der es muotet . en burnet  
 1161B-440,33 er aber niht loetic under sîneme zeichene . daz sal er  
 1161B-440,34 ûf rihten eineme iegelîchem dem es nôt geschêt .  
 1161B-440,35 dit ist von deme seigære des münzmeisters .  
 1161B-440,36 ez en sal ouch nieman haben decheinen  
 1161B-440,37 seigære / danne der münzemeister swâ er  
 1161B-440,38 aber mêr vunden wirdet . daz gêt an die hant .  
 1161B-440,39 dit ist von eiden / der goltsmide .  
 1161B-440,40 alle goltsmide solen iegelîches jâres  
 1161B-440,41 sweren / deme münzemeistere / daz si burnen  
 1161B-440,42 rehte unde melden swer genôste lâze  
 1161B-440,43 burnen .  
 1161B-440,44 dit ist von den hûsngenôzen .  
 1161B-440,45 der hûsngenôzen . solen sechzehn sîn /  
 1161B-440,46 zwelive die dâ wûrken kunnen / mit hamer
- 1161B-441,2 unde mit zangen / unde viere von genâden .  
 1161B-441,3 von den pfenningen die des jâres solen gên .  
 1161B-441,4 man sal iegelîches jâres . zuo \*sancte Jakobes  
 1161B-441,5 tage / niuwe pfenninge slahen . aber mê  
 1161B-441,6 münze erpfurtischer pfenninge danne eine  
 1161B-441,7 mûgen gên . ob iz deme münzemeister behait .  
 1161B-441,8 unde der münzemeister der sal nemen  
 1161B-441,9 dâr zuo die hûsngenôzen . unde swen er wile .  
 1161B-441,10 unde sal die pfenninge machen daz si vûegen  
 1161B-441,11 der stat . unde deme lande unde die pfenninge  
 1161B-441,12 sulen alle wîz sîn .  
 1161B-441,13 dit ist von des münzmeisters luogærn zuo  
 1161B-441,14 Erpfurte .  
 1161B-441,15 \*swen des münzmeisters knehte die dâ zuo  
 1161B-441,16 gesworen hânt . oder die hûsngenôzen besain  
 1161B-441,17 ûf iren eit . daz er gewehselt habe . deme sal

- 1161B-441,18 der münzmeister zuo hant lâzen gebieten /  
 1161B-441,19 in sînen hov . unde daz gebot en sal niht übernehtic  
 1161B-441,20 werden . tar aber der man verrihten  
 1161B-441,21 dâ vüre . den eit mac nemen der münzmeister  
 1161B-441,22 ob er wile . bekennet aber er . sô sal  
 1161B-441,23 er wetten deme münzmeister ./ driu pfunt .  
 1161B-441,24 und driu scherpff . ûfe sîne genâde .  
 1161B-441,25 von versuochunge der pfenninge .  
 1161B-441,26 der vizetuom . oder der münzmeister des  
 1161B-441,27 erzebischoves mügen / sweliche zît si wollen /  
 1161B-441,28 versuochen der hûsgenôzen pfenninge .  
 1161B-441,29 ob si gereht sîn / grîfente in ire biutele .  
 1161B-441,30 dit ist aber von versuochunge der pfenninge  
 1161B-441,31 swenne aber die burgere dunket daz sich  
 1161B-441,32 die pfenninge wandeln an der wîze unde  
 1161B-441,33 an der swârde . sô sulen si manen des erzebischoves  
 1161B-441,34 vizetuom oder sînen münzmeister .  
 1161B-441,35 daz si grîfen in der hûsgenôzen biutele .  
 1161B-441,36 und versuochen daz . swenne aber si des gemanet  
 1161B-441,37 werden . von den burgeren . sô sulen  
 1161B-441,38 si zehant gên mit den burgern . und solen  
 1161B-441,39 daz versuochen . vindet man aber die pfenninge  
 1161B-441,40 zuo lîhte oder zuo swâr oder zuo hart .  
 1161B-441,41 daz sal man rihten mit deme rehte . daz dâ  
 1161B-441,42 vore geschriben ist .  
 1161B-441,43 von deme wehsele .  
 1161B-441,44 die münzmeistere unde die hûsgenôzen /  
 1161B-441,45 sulen zuo wehsel sitzen mit niuwen  
 1161B-441,46 pfenningen unde niht mit alten .  
 1161B-441,47 dit ist ouch von deme wehsele der  
 1161B-441,48 pfenninge .
- 1161B-442,2 swelich hûsgenôze zuo wehsele sitzt  
 1161B-442,3 mit alten pfenningen . wirdet er des mit rehte  
 1161B-442,4 überredet . sô wirdet er buozhaft deme erzebischove .  
 1161B-442,5 oder sînem münzmeister drîr  
 1161B-442,6 pfunde unde drîr scherpffe ûfe genâde .  
 1161B-442,7 von \*unerjeteneme silber .  
 1161B-442,8 swelicher hande silber daz man wehselt  
 1161B-442,9 an deme banke . daz sal man wider brengen  
 1161B-442,10 zuo deme îsene unde erjeten .  
 1161B-442,11 von der werunge des silbers und  
 1161B-442,12 pfenningen .  
 1161B-442,13 ein iegelich hûsgenôze / der dâ wehselte  
 1161B-442,14 an dem banke silber . der sal dâ \*selbens wern  
 1161B-442,15 mit niuwen pfenningen unde niergen anders  
 1161B-442,16 noch nieman anders sal ouch weren mit  
 1161B-442,17 alten pfenningen vüre in . tuot er ez dâr über /

1161B-442,18 sô ist er buozhaft deme erzebischove . oder  
 1161B-442,19 sîneme münzmeister / drîr pfunde . unde drîr  
 1161B-442,20 scherpfe ûf genâde .  
 1161B-442,21 von der \*ambahten rehte .  
 1161B-442,22 des erzebischoves schultheize . marketmeister  
 1161B-442,23 unde münzmeister / unde der voget  
 1161B-442,24 des græven . unde des vizetuomes gesinde / die  
 1161B-442,25 zuo ireme brôte gên . unde die in ireme hûse  
 1161B-442,26 slâfen . über die sulen si rihten . en tæten si des  
 1161B-442,27 niht . sô sal der schultheize des erzebischoves  
 1161B-442,28 rihten / über daz selbe gesinde .  
 1161B-442,29 der bütel der en sal aber niht gebieten deme  
 1161B-442,30 gesinde in ires hêrren hûse . er sal aber ime  
 1161B-442,31 gebieten . swâ man iz geseit an der strâze .  
 1161B-442,32 oder anderswâ / vûre den schultheizen . der  
 1161B-442,33 sal danne über iz rihten nâch rehte .  
 1161B-442,34 dit ist von deme marketmeisterambahte  
 1161B-442,35 des erzebischoves .  
 1161B-442,36 der marketmeister der sal sînen zol nemen  
 1161B-442,37 von aller hande liuten / alse si verkoufet haben .  
 1161B-442,38 unde die wîle si niht verkoufet haben . sô  
 1161B-442,39 en sal man si niht pfenden umbe den zol ist  
 1161B-442,40 aber daz ein man ein teil verkoufet von sîneme  
 1161B-442,41 waine . sô sal er sînen zol geben . oder ein  
 1161B-442,42 pfant . biz daz er allez verkoufe . ob iz der  
 1161B-442,43 zolnære eische oder niht . gibet er danne  
 1161B-442,44 deme zolnære niht sînen zol . sô var er ûf  
 1161B-442,45 sîn reht .  
 1161B-442,46 von deme / der zolles sal ledic wesen oder  
 1161B-442,47 niht .  
 1161B-442,48 pfaffen unde rîtare / unde rîters kint .

1161B-443,2 unde begebene liute die en solen niht zollen .  
 1161B-443,3 ez en sî . daz si koufen ireme gesinde / an ireme  
 1161B-443,4 verdientem lône gewant . oder vremeden  
 1161B-443,5 liuten eteswaz . dâ von sulen si danne zollen .  
 1161B-443,6 dit ist ouch von deme zolle den man gibet .  
 1161B-443,7 roubet aber ein pfaffe oder ein rîtar ûf  
 1161B-443,8 gewinnunge eteswaz des er welle vort geniezen .  
 1161B-443,9 dâ von sal er zol geben . –[...] ez en sî  
 1161B-443,10 danne alsô . daz iz koufe oder verkoufe des  
 1161B-443,11 iz vort wolle geniezen . dâ von sal ez danne  
 1161B-443,12 geben sîn marketreht .  
 1161B-443,13 von zolle .  
 1161B-443,14 alle des erzebischoves liute . unde des græven .  
 1161B-443,15 unde des vizetuomes die iz von altere  
 1161B-443,16 zuo rehte verhaben solen sîn die en solen  
 1161B-443,17 decheinen zol geben .

1161B-443,18 von deme zolle den man \*entvüeret ûz der stat .  
 1161B-443,19 swer den zol \*entvüeret oder \*enttreit über  
 1161B-443,20 die ûzern brüggen . dem sal der zolnær nâch  
 1161B-443,21 volgen unde sal in ûf halten in deme wîchbiledē  
 1161B-443,22 unde niht dâr ûze . unde sal  
 1161B-443,23 in vüeren vüre sînen hêrren . mac aber der  
 1161B-443,24 man bringen daz er den zol gegeben habe .  
 1161B-443,25 sô ist er ledic . en mac er des niht getuon sô  
 1161B-443,26 sal er wetten driu pfunt unde driu scherpf  
 1161B-443,27 ûfe des marketmeisters genâde kumet aber  
 1161B-443,28 er des enwec . unde wirdet daz übernehtic . sô  
 1161B-443,29 en mac ime der marketmeister decheine schult  
 1161B-443,30 gegeben .  
 1161B-443,31 dit ist ouch von deme zolle den man gibet  
 1161B-443,32 von maniger hande dinge .  
 1161B-443,33 als manic man alse ûf einen wain sîn  
 1161B-443,34 dinc leget zuo \*vüerende . alsô manigen zol sal  
 1161B-443,35 man geben dâ vone die dâ \*ûzewentic der  
 1161B-443,36 stat gesezzen ist .  
 1161B-443,37 wie man zollen sal .  
 1161B-443,38 von eineme schillinge und dâr über . sal man  
 1161B-443,39 geben einen \*pfenninc zuo zolle . unde dâr  
 1161B-443,40 under biz an sehs pfenninge ein scherpf  
 1161B-443,41 under sehs pfenningen aber sal man niht  
 1161B-443,42 zollen .  
 1161B-443,43 dit ist von deme zolle der geste .  
 1161B-443,44 swelich gast die ûzewentic landes ist . unde  
 1161B-443,45 unde kumet zuo Erpfurte mit eineme waine .  
 1161B-443,46 oder mit eineme karren geladen . daz hê nider  
 1161B-443,47 leit von deme waine . ob hê entledet . dâ von  
 1161B-443,48 gibet hê vier pfenninge . dâ von aber daz hê  
  
 1161B-444,2 ûf ledet . dâ von gibet hê aber vier pfenninge .  
 1161B-444,3 unde von deme karren nider zuo  
 1161B-444,4 legene gibet hê zwêne pfenninge . unde ûf  
 1161B-444,5 zuo ladene aber zwêne pfenninge . unde decheinen  
 1161B-444,6 zol .  
 1161B-444,7 dit ist von deme zolle der waine unde der  
 1161B-444,8 karren .  
 1161B-444,9 gêt aber ein geladen wain oder karre  
 1161B-444,10 durch durch die stat . oder umbe die stat  
 1161B-444,11 durch die windischen gehöuwen oder durch  
 1161B-444,12 den brüel . oder umbe der juden grap daz bî  
 1161B-444,13 den siechen ist der sal zol geben .  
 1161B-444,14 von deme unrehtem bûwe .  
 1161B-444,15 der marketmeister sal ouch rihten über unrehten  
 1161B-444,16 gebû . und über gazzen und über unrehten  
 1161B-444,17 überhanc und von wegen unde von

1161B-444,18 kameren . die zuo wege gên . unde über mist  
 1161B-444,19 die dâ liget in der strâze .  
 1161B-444,20 dit ist von deme geleite der burgere unde  
 1161B-444,21 rihtære .  
 1161B-444,22 swen die burgere unde die rihtære mit  
 1161B-444,23 einander zuo Erpfurte geleiden . den en sulen die  
 1161B-444,24 geistlichen rihtære an nihte bekumben zuo  
 1161B-444,25 deme mâle .  
 1161B-444,26 dit ist von den wînschrôtærn .  
 1161B-444,27 die wînschrôtære solen nemen vier pfenninge  
 1161B-444,28 von eineme vuodere ûf zuo schrôtene und  
 1161B-444,29 drî pfenninge nider zuo schrôtene . ist iz  
 1161B-444,30 aber alsô daz si niht eineme burgere mûgen /  
 1161B-444,31 oder wollen helfen / mac hê selbe daz vuoder  
 1161B-444,32 ûf oder nider gelegen / oder tuot iz ieman ime  
 1161B-444,33 zuo helfe . daz stêt ime âne vâre . irrent si  
 1161B-444,34 aber einen gast mê / danne über naht . sô  
 1161B-444,35 sulen si ime die kost abe legen .  
 1161B-444,36 von den schrôtleitern .  
 1161B-444,37 ein ieglich burgere mac wole ein lange  
 1161B-444,38 leitern unde und ein kurze haben zuo schrôten  
 1161B-444,39 und ein seil . ein ieglich burgere mac wole  
 1161B-444,40 schrôten ûf / oder nider ein halp vuoder âne  
 1161B-444,41 vâre in sîn hûs . verwarlôsen aber die wînschrôtære  
 1161B-444,42 eines mannes wîn / oder bier / oder  
 1161B-444,43 anders waz / daz si ûf oder nider schrôten /  
 1161B-444,44 daz solen si selbe gelten . si sulen ouch gereit  
 1161B-444,45 sîn deme erzebischove zuo schrôten âne  
 1161B-444,46 lôn sînen wîn oder sîn bier . hê sî engegenwertic  
 1161B-444,47 oder niht .  
  
 1161B-445,2 von deme gewantsnîdene .  
 1161B-445,3 nieman sal gewant snîden zuo Erpfurte  
 1161B-445,4 danne ûfe deme vrîe des erzebischoves  
 1161B-445,5 under den gademen . swie iz dâr über tuot .  
 1161B-445,6 wirdet hê es mit gerihte besaht die sal geben den  
 1161B-445,7 burgeren vûnv schillinge unde vûnv schillinge  
 1161B-445,8 des erzebischoves marketmeistere zuo  
 1161B-445,9 buoze . ez mac aber ein ieglich man wole ein  
 1161B-445,10 ganz tuoch koufen des hê darf . ime zuo  
 1161B-445,11 kleidern oder sîneme gesinde unde snîde daz  
 1161B-445,12 âne vâre  
 1161B-445,13 . von deme schultheizen ambahte in den  
 1161B-445,14 brüele .  
 1161B-445,15 der schultheize in dem brüele sal haben  
 1161B-445,16 sîn reht an allen stücken als iz von altere  
 1161B-445,17 ist \*geweset unde sal lîhen allez daz guot / dâ  
 1161B-445,18 man ime von zinset . unde der schultheize

- 1161B-445,19 in der stat . die sal lîhen . allez daz guot dâ  
 1161B-445,20 man ime von zinset zuo koufmannekirechen .  
 1161B-445,21 wir bischov Gêrhart erzebischof von Meinze  
 1161B-445,22 mit hangnisse / unde mit willen unsers  
 1161B-445,23 kapitels von Meinze haben wir besigelet disen  
 1161B-445,24 brief mit unserm unde mit unsers kapitels  
 1161B-445,25 insigele / mit alsolichem underscheide unde  
 1161B-445,26 voreworte / ob iht an unserm rehte / oder  
 1161B-445,27 unsers stiftes von Meinze daz wir hân / in  
 1161B-445,28 der stat zuo Erpfurte umbe unsern nutz / êre /  
 1161B-445,29 oder reht unde ouch der stat zuo Erpfurte / ist  
 1161B-445,30 zuo / oder abe ze tuon / oder zuo bezzeren .  
 1161B-445,31 daz daz geschehen sol / mit unsereme wizzene /  
 1161B-445,32 \*beidenthalp . âne vâre . \*beidenthalp . unverzigen  
 1161B-445,33 unses rehtes . dirre brief ist geschriben  
 1161B-445,34 unde gegeben zuo Meinze an deme  
 1161B-445,35 næhesten sameztage nâch \*sancte Katharines tage /  
 1161B-445,36 dô man zalte von gotes gebûrte tûsent . zwei  
 1161B-445,37 hundert . und niune unde \*ahtzic jâre . –  
 1161B-445,38 – – . – –  
 1161B-445,39 – .
- 1168-448,2 Ruodolf von gotes genâden roemisch küninc alle zît ein mêrær des rîches  
 bekennen an  
 1168-448,3 an diseme gegenwertigen brieve unde tuon kunt allen den di in gesên oder  
 hoeren lesen daz wî  
 1168-448,4 deme edelen manne burcgrâven Dieterîche von Altenburc haben gelihen  
 daz burcambaht  
 1168-448,5 zuo Altenburc mit alle deme rehte alse dâ zuo gehoert unde von altere dâ  
 zuo gehôrt hât  
 1168-448,6 êwiclîche zuo besitzene im unde allen sînen nâchkomelingen . zuo deme  
 burcambahte gehoeret  
 1168-448,7 der turm mit deme mandele zuo Altenburc ûf deme hûse unde der hov dâ  
 hê inne lît der  
 1168-448,8 burcgræve hât ouch gerihte über lîp unde über guot über alle daz hûs unde  
 in allen hoven  
 1168-448,9 âne in des rîches hove aleine zuo deme burcambahte gehoeret ouch di stat  
 zuo Naishûsen unde  
 1168-448,10 daz holz daz dâ heizet di Lizan unde ahte hove zuo Powerditz unde der  
 niderste tîch unde  
 1168-448,11 der burcberc alumbe daz hûs biz an di mûre dâ hât der burcgræve ouch  
 gerihte ûfe über  
 1168-448,12 lîp unde über guot biz halben wec ûf di brügge gein der stat zuo deme  
 burcambahte  
 1168-448,13 gehoern ouch vierzên pfunt wahtærfenninge di sulen gereit sîn an sente  
 Bartholomeus  
 1168-448,14 tage dâ sal der burcgræve sîne boten nâch senden unde swer der pfenninge  
 niht gereit hât

- 1168-448,15 den sal der bote pfenden vüre drîzic schillinge unde en darf daz pfant niht zuo borge geben
- 1168-448,16 hê versetze iz vüre drîzic schillinge unde vüre di pfenninge dâ von sal der burcgræve halten
- 1168-448,17 vier wahtære ûf deme hûse zuo Altenburc dâ zuo gehoern ouch zweliv scheffele torweize unde
- 1168-448,18 nâch deme scheffele ein schillinc dâ von sal der burcgræve ein torwarten halten an deme
- 1168-448,19 ûzersten tore dâ zuo gehoern ouch sechzên hundert scheffele getreides daz dâ heizet burckorn
- 1168-448,20 daz sal sîn halp roggen unde halp habere daz selbe burckorn daz sal sîn gereit zuo
- 1168-448,21 sente – tage dâ nâch sal der burcgræve sîne boten senden unde sîne waine ûf daz
- 1168-448,22 guot dâ von man daz burckorn gibet daz selbe getreide sal man mezzen mit deme burcscheffele
- 1168-448,23 der sal sîn bodemlôs unte des burcgræven bote sal dâr ûf hûfen swaz dâr ûf gên
- 1168-448,24 mac . swenne des burcgræven bote daz burckorn vordert nâch sente – tage swer
- 1168-448,25 des niht gereit hât der sal iz vore sente Martines tage ûf daz hûs zuo Altenburc bringen
- 1168-448,26 in des burcgræven hov swer des niht en tuot sô sal der burcgræve sîne boten senden unde sal
- 1168-448,27 lâzen pfenden vüre daz korn unde vüre drîzic schillinge unde der bote darf daz pfant niht
- 1168-448,28 zuo borge geben hê ne versetze iz vüre sîn korn unde vüre drîzic schillinge . unde von swelicheme
- 1168-448,29 guote burckorn gevallen sal erbieten daz rîtare oder rîtærmæzige liute mit ires selbes pfluoge
- 1168-448,30 di sint burckornes ledic erbieten ez aber lêhenliute oder koufliute oder gebûre di sulen iz geben . zuo
- 1168-448,31 deme burcambahte gehoeret ouch alsô vile alse der burcgræve holzes darf zuo bûwene unde zuo
- 1168-448,32 burnene daz sal hê houwen in des rîches forsten in der lîne unde in deme kamervorste unde in
- 1168-448,33 deme tiergarten der selbe burcgræve hât ouch daz reht swer guot zuo Plîssen in deme lande von
- 1168-448,34 deme rîche hât der daz verkoufen oder lâzen oder sîneme wîbe dîngen wile daz daz alsô guote kraft
- 1168-448,35 hât vore im alse ob daz rîche zuogênwertic wære ob man des rîches niht gehaben mac . dâ
- 1168-448,36 sulen des rîches dienstman zwêne bî sîn . der vore gesprochen rede sint geziuc der edele man
- 1168-448,37 burcgræve Vriderîch von Nûrenberc der græve Ludewîc von Nôtingen der græve Eberhart von
- 1168-448,38 Katzenellenbogen . unde der alte voget Heinrîch von Plawen . unde sîn sun voget Heinrîch von

- 1168-448,39 Plawen den man der Bêheime nennet . unde sîn sun voget Heinrîch von  
Plawen den man der Rûze
- 1168-448,40 nennet unde der rîtær hêrre Jan von der Sîden der zuo Korun is gesezzen  
unde anderre biderber
- 1168-448,41 liute vile . dirre brieve ist gegeben zuo Erpfurte in der stat nâch der geburt  
unses hêrren
- 1168-448,42 gotes tûsent jâr unde zwei hundert jâr . in deme niun unde ahtzigesten jâre  
an dem
- 1168-448,43 âbende des heiligen zwelivboten sente –
- 1251-496,12 wî Albreht von gotes genâden lantgrâve zuo Düringen unde wî Vriderîch  
von
- 1251-496,13 den selben genâden zuo Mîssene zuo ôrînde unde zuo Landesberc  
marcgrâve bekennen an
- 1251-496,14 disem offenen brieve daz wî uns guotliche unde vriuntliche mit einander  
berihet unde
- 1251-496,15 vereinet haben umbe alle die sache die zwischen uns mohten sîn iz wære  
umbe lant /
- 1251-496,16 umbe liute / umbe anesprâche / unde gemeinliche umbe allez daz under  
uns beiden
- 1251-496,17 werente was / dit haben wî beide triuweliche gelobet zuo haltene vore  
unseme hêrren deme
- 1251-496,18 roemischen künige Ruodolfen / unde haben in gebeten daz hê zuo eineme  
urkunde sîn ingesigel
- 1251-496,19 mit unser beider insigele an disen brieve gehangen hât / diser rede sint  
geziuge
- 1251-496,20 meister Heinrîch von Klingenberc unses hêrren des küniges kanzelær /  
der burcgrâve
- 1251-496,21 Vriderîch von Nürenberc / grâve Ludewîc von Otingen grâve Eberhart von  
Katzenellenbogen
- 1251-496,22 grâve Gunther von Swarzburg burcgrâve Alber von Lîznic hêrre Heinrîch  
1251-496,23 der alter von Plawe unde hêrre Heinrîch sîn alter sun hêrre Herman Stranz  
von Tullestete /
- 1251-496,24 hêrre Herman von Mîla hêrre Gunther von Slatheim hêrre Albreht von  
Brandenberc hêrre
- 1251-496,25 Herman der kamerære von Vanre Dieterîch der marschalch von  
eckehartesberge hêrre Tieme
- 1251-496,26 Kunt unde ander biderbe liute genuoc / dise rede es geschehen zuo Erpforte  
unde dâr über
- 1251-496,27 dise brieve gegeben nâch gotes geburt tûsent jâr zwei hundert jâr in deme  
niunzigesten jâre
- 1251-496,28 an sente Johannis tage êwangelisten der nâch ôstern ist
- 1286-528,41 wir Albreht von gotes genâden lantgrâve zuo Düringen / tuon kunt / allen  
/ den / die
- 1286-528,42 disen brieve gehoeren unde gesên / daz wî uns nâch unser getriuwen liute  
râte mit unseme lieben

- 1286-528,43 sune Vriderîche dem pfalenzgræven zuo Sahsen / geeinet unde berihtet  
haben guotliche unde
- 1286-528,44 vriuntliche alle der sache / unde alle der brüche / unde alle der anesprache  
/ die wî gein ime
- 1286-528,45 hatten / unde gegen ime gehaben mohten / nâch alle der rede also hier nâch  
beschriben stêt /
- 1286-528,46 wî haben unseme sune Vriderîch / enttriuwen gelobet / daz wî hinnen vort  
nechein unse hûs /
- 1286-529,1 noch unser stete / noch unse lant / noch unse liute / noch unse  
vürstentuom / verkoufen / versetzen /
- 1286-529,2 verlihen / noch vergeben sulen wider sînen willen / ûf eine ganze stæticheit  
/ sîn wî
- 1286-529,3 eintrehtliche zuo râte worden / daz wî unsen getriuwen liuten / græven  
Gunther von Swarzburg /
- 1286-529,4 hêrren Hermannen von Mîla . hêrren Gunther von Slatheim / unde hêrren  
Heinemannen von deme
- 1286-529,5 haine / alle unse vesten / hûs unde stete / geantwortet haben in / ire gewalt  
/ alsô daz sie ganze
- 1286-529,6 gewalt haben / die vesten / unse kinden / Vriderîche unde Tiezemanne zuo  
antwortene ob
- 1286-529,7 wî brechen an disen stücken also hier beschriben stêt / wî haben ouch  
enttriuwen gelobet
- 1286-529,8 unseme sune / ob in / uns / ie kein man beseite / unde wî daz offenbâr  
redeten / oder in des
- 1286-529,9 selben begrüezten / oder begrüezen liezen den segær / sulen wî ime sagen  
/ en tuon wî des niht /
- 1286-529,10 sô haben wî ouch an ime gebrochen alsô daz die viere / unse lant unde unse  
liute / âne verdæhtnisse /
- 1286-529,11 unsen vore genanten kinden antworten sulen / wî sulen ouch / unsen sun  
1286-529,12 Apetzen / erbeteilen nâch / unsen willen / unde nâch ir beider râte / daz  
dise rede ganz unde
- 1286-529,13 stæte belîbe / des haben wî unsen brief gegeben zuo îsenache / unde  
beinsigelt mit unseme insigele /
- 1286-529,14 nâch gotes geburt / tûsent jâr / zwei hundert jâr / in deme niunzigesteme  
jâre / an deme
- 1286-529,15 sunnenâbende vore sente Laurentius tage / diser teidinge sint geziuc /  
græve Gunther von
- 1286-529,16 Swarzburg hêrre / Herman von Mîla / hêrre / Gunther von / Slatheim /  
hêrre Herman sîn bruoder /
- 1286-529,17 hêrre Heineman von deme haine / hêrre Otte von îsenberc / hêrre / Kuonrât  
von Amera / unses
- 1286-529,18 sunes schribære / unde genuoc anderere êrhafter liute
- 1393-607,9 wir Gêrhart von gotes genâden erzbischof des heiligen stuoles von Meinze  
/ oberester
- 1393-607,10 kanzelær des heiligen rîches / über diutische lant . unde wir Albreht von  
den selben genâden

- 1393-607,11 lantgræve zuo Düringen / bekennen unde tuon kunt / allen den / die disen brief gesehen / oder
- 1393-607,12 hoeren lesen daz wir uns zesamen gebunden unde verlobet haben / mit guoten triuwen / zuo
- 1393-607,13 râten unde zuo helfene / unser einer dem anderem / die wîle wir beide leben / wider einen
- 1393-607,14 iegelîchen / der uns zuo unrehte an vertigete / oder verderben wolte / an unseren liuten /
- 1393-607,15 unde an unseren landen . âne lantgræven Heinrîche von Hessen / den haben wir beidenthalp
- 1393-607,16 ûz genomen . würde ouch decheine bruch zwischen uns / unseren mannen / unsern dienstmannen /
- 1393-607,17 oder unsern liuten dâ haben wir Gêrhart der erzebischof drî manne zuo gekoren / Herman
- 1393-607,18 von Spangenberc Albrehten den voget von Arnstete / unde Ruodolfen von Northûsen unsern
- 1393-607,19 burger von Erfurt wir lantgræve Albreht / von unsern wegen haben ouch drî gekoren
- 1393-607,20 Hermannen von Mila Guntheren von Slâtheim / Hermannen unseren hovemeister / den
- 1393-607,21 sehzen haben wir maht geben hier dise sîte der Gera / die brüche zuo verrihtene ûf iren
- 1393-607,22 eit / nâch minne oder nâch rehte . geschæhen aber decheine brüche / andersît der Gera /
- 1393-607,23 dâ haben wir der voregenande bischof unser voregenanden drî über gekoren / wir der lantgræve /
- 1393-607,24 Albreht græven Gunthern von Swarzburg / unde græven Heinrîchen von Stalberc /
- 1393-607,25 die brüche zuo verrihten als hier vore geschriben stêt . in dem lande zuo Düringen / sal unser
- 1393-607,26 einer dem anderem helfen / mit aller sîner maht swâ er es bedarf / ûf sîn selbes kost / und
- 1393-607,27 sîn verlust bedorfte aber unser einer des anderen / ûzwentic landes zuo Düringen / der
- 1393-607,28 sol mit ime rîten / mit aller sîner maht / ûf sîn selbes verlust / und ûf jenes kost / der in
- 1393-607,29 leitte . quæme iz zuo einen strîte / unde gesigeten wir / sô solen wir die gevangen teilen / dâr nâch
- 1393-607,30 daz der man liute hât / âne den houbetman ob man den vienge / den sal dê behalten des daz
- 1393-607,31 urluige ist . gewinnen wir hûs / oder stete die der vînde sint / die sulen wir teilen gewûnnen
- 1393-607,32 aber wir decheine vestene / die unser eines vore wære gewesen / der sol si wider nemen .
- 1393-607,33 swaz ouch von gedinge gevele in deme lande zuo Düringen / daz sulen wir gelîche teilen .
- 1393-607,34 swaz aber ûzwentic des landes zuo Düringen / von gedinge gevellet daz sal der nemen

1393-607,35 aleine / des die reite ist / unde die kost tuot swer ouch der dinge keinez  
bræche / die dâ  
1393-607,36 vore geschriben sint / der sal / meineidic / triuwelôs / und êrlôs sîn . wær  
aber daz der voregenanden  
1393-607,37 râtliute / abe gienge / einer / sô sal der / der in gesatzt hât / einen anderen  
kiesen /  
1393-607,38 binnen zwein mânden / an sîn stat / unde daz dise voregenande vriuntschaft  
unde gelübede /  
1393-607,39 ganz / unzerbrochen / veste und stæte belîbe / des haben wir dise  
geinwertigen brieve  
1393-607,40 heizen schrîben / unde unser beider insigele dâr an gehangen . dirre brief  
/ ist geschriben  
1393-607,41 unde gegeben zuo îsenach . dô man zalte von gotes gebûrte . tûsent / zwei  
hundert / unde  
1393-607,42 ein unde niunzic / jâr / an dem mântage nâch unser vrouwen tage klîbeltage  
.

1616B-750,2 wî Albreht von gotes genâden lantgræve  
1616B-750,3 zuo Düringen / unde pfalenzgræve zuo  
1616B-750,4 Sahsen / bekennen an diseme offen brieve /  
1616B-750,5 daz wî geteidinget haben / mit unseme  
1616B-750,6 hêrren deme bischove von Merseburc / alse  
1616B-750,7 hier nâch geschriben stêt / unse hêrre der  
1616B-750,8 bischov sal behalten / die gerihte Ranstete /  
1616B-750,9 unde Luzin / unde alle die dorf / unde alle die  
1616B-750,10 liute / verlêhent unde unverlêhent / unde hûs unde hëve /  
1616B-750,11 unde alle daz guot / inne haben / swie iz heizet /  
1616B-750,12 daz dâ inne lît / daz hatte uns unse hêrre  
1616B-750,13 der bischov / von Merseburc gelihen / nû  
1616B-750,14 haben wî ez ime wider ûf gelâzen / unde swaz  
1616B-750,15 wî guotes in den gerihten hatten / daz  
1616B-750,16 haben wî ime / unde sîneme goteshûse gegeben /  
1616B-750,17 unde verzîhen uns alle des rehtes / daz wî  
1616B-750,18 dâr ane hatten / alsô daz wî dâ inne niht  
1616B-750,19 behalten / wî geben ouch unseme hêrren  
1616B-750,20 deme bischove zwei tûsent marke silbers /  
1616B-750,21 alsô getânes silbers / des man eine loetige  
1616B-750,22 marc / mit einer marc unde eineme lôte geziugen  
1616B-750,23 mac / durch daz / daz hê uns gelihen hât  
1616B-750,24 Lîpzig / unde den Niuwenhov unde alle daz guot /  
1616B-750,25 daz unse vetere marcgræve Vriderîch von  
1616B-750,26 Missene / von ime unde von sîneme goteshûse  
1616B-750,27 hatte / daz haben wî entvungen zuo unseme  
1616B-750,28 lîbe / unde sal daz lîhen / zuo rehteme lêhene /  
1616B-750,29 sweme wî wollen / die ime alsô getâne  
1616B-750,30 gewisheit tuo / alse wî ime getân haben /  
1616B-750,31 umbe die gerihte zuo Ranstete unde zuo Luzin /  
1616B-750,32 unde umbe alle daz guot / daz dâ inne liget /

- 1616B-750,33 des voregenanden silbers / des sulen wî ime  
 1616B-750,34 nû zuo sente Martines tage über ein jâr /  
 1616B-750,35 tûsent marke leisten / dâr nâch / aber zuo  
 1616B-750,36 sente Martines tage über ein jâr / sal man  
 1616B-750,37 aber tûsent marke ime leisten / alsô getânes  
 1616B-750,38 silbers alse hier vore geschriben stêt / leiste  
 1616B-750,39 man / daz êrste / und daz andere silber niht /  
 1616B-750,40 daz sal man ûf schaden gewinnen / alsô daz  
 1616B-750,41 ûf vûnv marke ein lôt gê zuo der wochen  
 1616B-750,42 unde sal stên von sente Martines hinnen vort  
 1616B-750,43 über driu jâr / unde en geben wî niht / daz  
 1616B-750,44 selbe silber in der zît / sô sal iz unse neve  
 1616B-750,45 der marcgræve von Brandenburc geben / unde  
 1616B-750,46 sal iz ûf die pfant slân / unde sulen wî die /  
 1616B-750,47 dâ vore / verloren haben / dit sint die pfant / die  
 1616B-750,48 Niuwenburc daz hûs / unde Vrîberc die stat .
- 1616B-751,2 Eckehartesberge hûs unde stat / unde alle die gerihte /  
 1616B-751,3 unde alle daz guot verlêhent / unde unverlêhent /  
 1616B-751,4 daz dâ zuo gehoeret âne daz geleite  
 1616B-751,5 daz zuo Düringen zuo gehoeret / daz en setzen  
 1616B-751,6 wî niht / dit silber / sulen wî leisten zuo Merseburc /  
 1616B-751,7 gewegen mit unses hêrren des bischoves  
 1616B-751,8 gewiht daz von altere in sîner  
 1616B-751,9 kameren gewesen is . unse hêrre der bischov  
 1616B-751,10 hât ouch uns gelihen Grimme die stat /  
 1616B-751,11 mit alle deme daz dâ zuo gehoeret / zuo rehteme  
 1616B-751,12 lêhene / als iz unse vetere marcgræve Vriderîch  
 1616B-751,13 von ime hatte / gienge unse hêrre der  
 1616B-751,14 bischov binnen diser rede abe / dit silber /  
 1616B-751,15 als iz geteidinget is / sulen wî leisten hêrren  
 1616B-751,16 Bartholomeus deme kustere / Kuonrâte Hebestrîte /  
 1616B-751,17 den tuomhêrren / hêrren Heisen / unde  
 1616B-751,18 hêrren Uolrîche sînen rîtæren / daz wî alle  
 1616B-751,19 dise rede stæte unde ganz halten / des geben  
 1616B-751,20 wî disen brief / besigelt mit unseme insigele /  
 1616B-751,21 mit geziuge / hêrren gebehartes von Querenfurte /  
 1616B-751,22 hêrren Hermannes von Mîla / Guntheres  
 1616B-751,23 von Slatheim / hêrren Kuonrâtes von  
 1616B-751,24 Redere hêrren Otten von Pouc / Kuonrâtes Hebestrîtes  
 1616B-751,25 des tuomhêrren zuo Merseburc / hêrren  
 1616B-751,26 E'ilwartes des probestes von Rupin / hêrren  
 1616B-751,27 Heisen von Merseburc / hêrren Uolrîches von  
 1616B-751,28 Zwem / unde andere biderbe liute / dit is geschên  
 1616B-751,29 zuo Merseburc / nâch gotes gebûrte  
 1616B-751,30 tûsent jâr / zwei hundert jâr / in deme zwei  
 1616B-751,31 unde niunzigesteme jâre / an deme dienestage  
 1616B-751,32 nâch sente Bartholomeus tage / wî haben

- 1616B-751,33 ouch gebeten unsen neven von Brandenburg /  
 1616B-751,34 daz hê durch eine gewisheit / sîn insigel /  
 1616B-751,35 ouch henge / mit unseme / an disen  
 1616B-751,36 brief
- 1631-762,13 wî Heinrîch von Vrankenstein . bekennen in diseme brieve . daz wir mit  
 willen .  
 1631-762,14 unser süne . Heinrîch . unde Heinrîch . unde Ludewîges . vüre sô genanten  
 schaden . als Johannes .  
 1631-762,15 Gêrwîc . unde Albreht Luzze . von unser wegen entvungen haben den  
 selben vore genanten  
 1631-762,16 setzen unse gerihte . zuo Apignelle . in Unkenrode . in Nentzeldorf . unser  
 dörfer . in  
 1631-762,17 Wolvesberc . Strôfurte . unde Okerhûsen . an Johannis guote . mit guoten  
 willen vüre zweinzic marke .  
 1631-762,18 mit sô getâner bescheidenheit . alsô hier nâch beschriben stêt di selben drî  
 sulen haben  
 1631-762,19 daz gerihte . in den vore genanten dörfern . mit alleme rehte . unde mit  
 aller vrîheit .  
 1631-762,20 zuo sehs jâren . als wî iz gehât haben . von sente Martines messe . die nû  
 kûmftic ist .  
 1631-762,21 über sehs jâr âne aleine . ob ein man . oder ein wîp . ûf diseme guote . sîn  
 leben  
 1631-762,22 verworhte . den sal man vore vüeren . zuo lantgerihte . swaz aber dâ buoze  
 von vielen die  
 1631-762,23 sulen diser drîr sîn . Johannis Luzzen . Gêrwîges . unde Albrehtes . diz  
 gerihte sulen si uns zuo  
 1631-762,24 loesene geben swenne wî es muoten . binnen disen sehs jâren . wær aber  
 daz wî daz niht en  
 1631-762,25 lôsten . binnen sehs jâren . sô sal iz ire rehte lêhen sîn . dit ist geschên in  
 îsenache .  
 1631-762,26 nâch gotes gebürte . tûsent jâr . zwei hundert jâr . in deme andern unde  
 niunzigsten jâre .  
 1631-762,27 in sente – tage . des sint geziuc . unser hêrre der lantgræve Albreht der alte  
 .  
 1631-762,28 hêrre Herman von Mîla . hêrre Heineman von deme haine . hêrre Herman  
 der hovemeister .  
 1631-762,29 Hartunc . unde Helmrîch von Varnrode . Bertoldus von Bertoldeshûsen .  
 Albertus von Willebrehterode .  
 1631-762,30 Heinrîch von Vockenrode . wære aber daz wir daz gerihte lôsten . sô sulen  
 1631-762,31 des die vore genanten . in altem rehte belîben . alsô ire eltern iz an si brâht  
 haben . zuo eineme  
 1631-762,32 urkunde . alle der rede . sint dise insigele an disen brief gehangen ..
- 1647-771,35 wî . Brûn . von gotes genâden bischov zuo Niuwenburc . bekennen an  
 diseme offenen  
 1647-771,36 brieve . unde tuon kunt . allen den . die . in an gesên / unde gehoeren .  
 wende die stete zuo

- 1647-771,37 deme haine über Elbe . unde Ortrant . mit alle deme daz dâr zuo gehoeret . unseme goteshûse .
- 1647-771,38 unde uns . ledic worden wâren . von marcgræven Vriderîches tôde . von Mîssene . deme
- 1647-771,39 got . genædic sî . sô haben wî . unseme hêrren . marcgræven Vriderîche lantgræven Albrehtes
- 1647-771,40 sune . durch sîne liebe . unde durch sînen dienst gelihen . unde sînen kinderen .
- 1647-771,41 ob si ime got beschert . die selben vore genanten stete . hain unde Ortrant . mit alle deme .
- 1647-771,42 daz dâr zuo gehoeret . an liuten unde an lande . mit alle deme rehte . also iz sîne vorderen
- 1647-771,43 von unseme gotes hûse zuo Niuwenburc gehabet haben . unde swaz hê der voregenande
- 1647-771,44 marcgræve Vriderîch . vore deme tage . also wir ime di vore genanten lêhen / gelihen haben ./
- 1647-771,45 verlihen hât . dâ hât her ane getân . swaz her getuon / mohte . wende wir ime sîne lêhen .
- 1647-772,1 noch niht gelihen hatten . dise lêhen . sîn geschên . und dirre brief ist gegeben . zuo Zîtze .
- 1647-772,2 an sente Katharinen âbende . nâch Kristes geburt . tûsent zwei hundert jâr . in deme zwei
- 1647-772,3 unde niunzigesten jâre . des sint geziuge . Dietrîch tuombrobest . von Merseburc . Brûn .
- 1647-772,4 tuombrobest . von Niuwenburc Heinrîch von Colditz . unde Otte sîn vetere . Uolrîch von Maltitz .
- 1647-772,5 Tilich von deme Hûnesberge . Heinrîch unse bruoder . Jan von Wîrchûsen . Heinrîch von
- 1647-772,6 Kûningesvelt . Jan . List . Tiezeman von Bukewitz . Tiezeman . von Dietmârsdorf . Reinhart
- 1647-772,7 von Seweschin . Vriderîch von Groste . Vriderîch von Pansin . dâr zuo manic êrhaft man .
- 1647-772,8 unde hier über . haben wir unsen brief gegeben . zuo eineme offenbâren urkûnde . besigelt mit
- 1647-772,9 unseme insigele .
- 1727-047,18 wî marcgræve Vriderîch von gotes genâden zuo Mîssene / unde wî Dieterîch von den
- 1727-047,19 selben genâden markgræve in / Lûsitzerlande / bekennen an disem offen brieve / daz wî gelobet
- 1727-047,20 unde gewilleküret haben einen tac zuo haltene zuo Marketniuwenburc an deme nâhesten mântage
- 1727-047,21 ûzgênde der pfingestwochen di nû zuokûmftic ist / dannen niht zuo kumene wî en sîn
- 1727-047,22 berihtet mit einander nâch der sehser unde des übermannes bescheidenunge unde nâch den

- 1727-047,23 briuen di dâ selbes gegeben wurden an dem dienesttage vore palmen / in  
alle der wîs alsô si
- 1727-047,24 uns solten bescheiden haben zuo Pigou / wî geloben ouch waz di selben  
sehs manne di
- 1727-047,25 wî gekoren haben unde der überman / di bî namen geschriben stên in den  
vore genanten
- 1727-047,26 brieven di gegeben sint zuo Niuwenburc / zuo uns di bescheiden mit gotes  
hülfe nâch minnen
- 1727-047,27 oder nâch rehte daz wî daz stæte halten / geschæhe aber daz / daz / siu uns  
mit rehte oder
- 1727-047,28 mit eiden bescheiden muosten / des en sulen wî niht deste gehazziger sîn  
einander / noch unse
- 1727-047,29 süne unde unse lantvride den wî gesworen haben sal dâ von niht gewachtet  
werden noch
- 1727-047,30 gebrochen wî markgrâve Dieterîch ziehen unser beider vetern markgrâven  
Vriderîch von
- 1727-047,31 Dreseden in unse suone unde in unsen lantvride alsô / swaz di vore  
genanten sehse unde der
- 1727-047,32 überman / zwischen unsen bruoder unde ime bescheiden daz sulen si beide  
stæte halten / daz
- 1727-047,33 bercwerz zuo Vrîberc sal der voget von Plawe inne haben in alle der wîs alsô  
hê ez her
- 1727-047,34 gehabet hât biz an den selben tac der dâ zuo Marketniuwenburc sîn sal daz  
wir dise
- 1727-047,35 rede ganz unde stæte halten des verbinden wî uns bî verlust alles unses  
vatererbes daz
- 1727-047,36 nâch sîneme tôde ûfe uns vallen solte / unde bî des bâbestes banne unde bî  
des rîches ahte über
- 1727-047,37 die setzen wî beide unse pfânt dâ vüre / wî markgrâve Vriderîch setzen  
Burne unde swaz
- 1727-047,38 dâr zuo gehoeret / unde unse dritte teil zuo Grouts / wî markgrâve  
Dieterîch setzen di zwei teil
- 1727-047,39 zuo Grouts unde unse hûs zuo Sathin mit alle deme daz dâr zuo gehoert /  
alsô swilich unser
- 1727-047,40 bræche kein der stücke di hier vore geschriben stên / deme sulen sîne pfânt  
verloren sîn unde
- 1727-047,41 dem andern gewonnen . des haben wî gesatzt vier manne / unde ein  
überman über di pfânt
- 1727-047,42 siu zuo antwertene deme der dâ bestanten ist . wî marcgrâve Vriderîch  
setzen Heinrîchen
- 1727-047,43 von Colditz unde Heinrîch von Trebezin / wî markgrâve Dieterîch setzen  
Herman von
- 1727-047,44 Schoenenburc unde Volrâten von Colditz / zweiten sich di viere sal voget  
Heinrîch von Plawe ein
- 1727-047,45 überman sîn sweme der gestêt der sal behalten haben / geschæhe an ime  
iht dâ vore in got

- 1727-048,1 behüete sô sal sîn sun Heinrîch di selben gewalt haben diser rede sîn geziuc  
von unser
- 1727-048,2 wegen marcgrâven Vriderîches . di edeln liute burcgrâve Alber von Lîsnic  
burcgrâve
- 1727-048,3 Dieterîch von Altenburc voget Heinrîch von Plawe der alter unde sîn sun  
Unarc von
- 1727-048,4 Waltenberc Heinrîch von Colditz Heinrîch von Trebezin von unser wegen  
marcgrâven .
- 1727-048,5 Dieterîches . der edelman grâve Vriderîch von Rabenswalde . bruoder  
Helwîc von Goltbach
- 1727-048,6 der lantkommentiu / Herman von Mîla Gunther von Slatheim Reinhart  
von Srele Herman
- 1727-048,7 von Schoenenburc unde ander genuoc êrhafter liute dise brieve ist gegeben  
zuo Pigou . in der stat
- 1727-048,8 nâch gotes geburte tûsent jâr zwei hundert jâr in dem driu unde  
niunzigsten jâre an deme
- 1727-048,9 sunnenâbende vore sente Jûrgen tage
- 
- 1816-131,8 wir Dietrîch von gotes genâde markgrâve ûz Lûsitzerlant / tuon kunt allen  
den / di
- 1816-131,9 disen brieve an gesên oder gehoerent daz wir uns mit unseme lieben vater  
lantgrâve Albreht
- 1816-131,10 von Düringen pfalenzgrâve zuo Sahsen beriht hân und – hân / guotliche  
alle der brüche
- 1816-131,11 di zwischen uns wâr / umbe alsolichen kouf als wir under einander  
gekoufet haben / nâch
- 1816-131,12 aller der rede di hier nâch geschriben stein / wir sulen unseme vater geben  
ahte marke unde
- 1816-131,13 tûsent marke Vrîberges silbers vûre sîne güldîn unde silberîn pfant / di vûre  
uns zuo Erpfurte
- 1816-131,14 in den juden stein / dit silber sulen wir leisten unseme vater ûfe unser  
vrouwen tac lichtmesse
- 1816-131,15 der nû kumet ./ vûre daz selbe silber setzen wî unseme vater Kriuzeburc  
hûs unde
- 1816-131,16 stat / mit deme daz dâr zuo gehoert / gæben wî ime niht zuo dem vore  
genanteme tage daz
- 1816-131,17 silber / sô sal er ûfe schaden gewinnen / als gewonlich ist / nâch deme  
tage über ein jâr /
- 1816-131,18 alsô daz silber gewonnen ist ûfe schaden / unde geben wir denne unseme  
vater daz silber
- 1816-131,19 niht / sô sal Kriuzeburc hûs unde stat unses vater sîn und uns verloren /  
wir geben ouch
- 1816-131,20 unseme vater tûsent marke Vrîberges silbers zuo pfingesten di nû koment  
vûre Vrankenstein /
- 1816-131,21 dâ setzen wir ime vûre Gera hûs unde stat mit alle deme daz dâr zuo hoeret  
/ unde geben wir
- 1816-131,22 ime niht ûfe pfingesten des selben silbers vûnv hundert marke / sô sal hêrre  
/ Dietrîch von Winersleiben

- 1816-131,23 unde hêrre Heinrîch von Mosin unde hêrre Heinrîch von Sloben di di vesten inne hân /
- 1816-131,24 unseme vater antwerten / geben wir im aber der tûsent marke / vûnv hundert / sô sal unse vater /
- 1816-131,25 di selben vesten halten ûfe sente Jakop tac / leisten wir aber ûfe sente Jakop tac / di
- 1816-131,26 anderen vûnv hundert marke niht / sô sal Gera unses vaters sîn unde uns verloren / di selben
- 1816-131,27 vesten Kriuzeburc unde Gera gebiutet got über unsen vater / di sulen ûfe uns wider vallen /
- 1816-131,28 unde ûfe nieman mêr / wir sulen ouch loesen Sangerhûsen unseme vater von sente Martines
- 1816-131,29 tage über ein jâr / der nû kumet oder sulen unseme vater dâ vûre geben zwei tûsent
- 1816-131,30 marke / Vrîberges silbers / daz selbe silber sol her umbe guot geben nâch unseme râte / wir
- 1816-131,31 sulen ouch eckehartesberc unde di Niuwenburc loesen vûre einliv tûsent marke / Vrîberges silbers / unde vûre
- 1816-131,32 den schaden der dâr ûf gêt di pfant sulen wir unseme vater gelöst hân / von sente Martines tage
- 1816-131,33 der nû kumet über driu jâr / unde tæten wir des niht / sô sulen unse pfant ime verstanten sîn /
- 1816-131,34 di wir ime dâ vore gesetzet hân / Turgowe hûs unde stat / Dibene / hûs unde stat / Sachim daz
- 1816-131,35 hûs unde unse stat Luckowe / unse vater sal ouch hinne vort uns an nihte enterben an sîneme
- 1816-131,36 vûrstentuome / noch en sal niht verkoufen decheine sîne vestene / noch verlihen / noch vergeben /
- 1816-131,37 noch versetzen / noch dechein sîne guot / dâ sîn vûrstentuom mite gekrenket mohte werden /
- 1816-131,38 âne unsen willen / an alsolich guot daz unses vater wîbes eigen unde lîpgedinge ist / unser
- 1816-131,39 vater sal ouch Vriderîchen unsen bruoder biten / unde manen / daz her uns unde unsen vater
- 1816-131,40 ungehindert lâze / als wir wider unsen vater gekoufet hân / tæte er des niht / durch unses
- 1816-131,41 vater bete / sô sal her ez vorderen swie her ez gevorderen mac / mit lîbe unde mit guote / swenne wir
- 1816-131,42 unsen vater gemanen / unde uns zît dunket / sô sulen wir unseme vater beholfen sîn / ûz sînen
- 1816-131,43 vesten / mit sînen liuten unde ouch mit unser maht / wær ouch daz / daz got niht en wolle /
- 1816-131,44 daz kein hêrre / oder kein dienstman / oder ieman ûz unses vater lande zuo Düringen rîche oder
- 1816-131,45 arm der uns verderben wolte / wente wir einen lantvride mit unseme vater gesworen hân /

- 1816-132,1      ûfe den oder ûfe di / sô sal uns unse vater beholfen sîn / mit deme lantvride  
/ und wir sulen uns weren ûz sînen vesten / di sal her uns dâr zuo offen /  
brechen ouch wir den lantvride / zuo Düringen /
- 1816-132,2      sô sal man ûf uns mit deme lantvride beholfen sîn / wær ouch daz daz got  
niht en wolle /
- 1816-132,3      daz unser vater êr stürbe denne wir / sô sal sîn vürstentuom und allez daz  
her nû hât oder
- 1816-132,4      noch gewinnet an vesten / an liuten / und an landen ûf uns treten und  
vallen / mit alleme
- 1816-132,5      rehte / unde mit allen êren / und ûf unsen bruoder Vriderîchen niht / âne  
alsolich guot / daz
- 1816-132,6      unses vater wîbes lîpgedinge ist / unde daz unse vater unseme bruoder  
Albrehte / mit unseme
- 1816-132,7      guoten willen gegeben hât ./ gewinnet aber unse vater erben bî dirre  
vrouwen / sô sulen
- 1816-132,8      dise teidinge abe gein . gewinnet aber unse vater nechein erben bî dirre  
vrouwen / sô sulen
- 1816-132,9      dise teidinge alle stæte belîben als hier vore beschriben stêt ./ wir sulen  
ouch alle unses vater
- 1816-132,10      schult gelten di wizzentlich ist / nâch sîneme tôde / ob wî in geleben / unde  
bînamen di tûsent
- 1816-132,11      marke Vrîberges silbers / di unser swester von Vrankenstein sulen / ob si  
unse vater / bî sîneme
- 1816-132,12      lebenten lîbe niht vergolten hât / unser vater sal ouch hinnen vort ûf uns /  
noch ûfe
- 1816-132,13      unse heimelîche râtgeben necheine rede geloben / ob uns oder sie iemant  
gein unseme vater
- 1816-132,14      ergeren wolte / unse vater en sal ouch / nechein unsen man / in nemen /  
noch unse vestene /
- 1816-132,15      wider unsem willen / noch verteidigen / unse vater sal ouch uns  
getriuwelîche beholfen
- 1816-132,16      sîn / âne arge list . ûfe alle di / di uns zuo unrehte verderben oder erbelôs  
machen wollen /
- 1816-132,17      unse vater sal ouch uns mit ime zuo dem lantdinge ziehen / unde zuo sîneme  
lantvride / wâ wir
- 1816-132,18      sîn zuo unses vater lantdingen âne in oder bî sîneme lantvride dâ her niht  
en kumen mac /
- 1816-132,19      noch en wolle / swaz wir dâ tuon unde machen / daz unseme vater und  
sîneme lande unde deme
- 1816-132,20      lantvride nütze unde guot ist / daz sal unse vater stæte halten / unde sal  
uns dâr zuo beholfen
- 1816-132,21      sîn / mit ganzen triuwen / wente her uns ouch vore dâr zuo gekoren hatte  
mit gunst unde mit
- 1816-132,22      willen der hêren unde des landes gemeine / wirdet unses vater wille / daz  
her ein rihtær zuo
- 1816-132,23      Düringen über den lantvride setzen wolle / daz sal her mit unseme râte  
tuon / swâ wir beide

- 1816-132,24 selben sîn / oder unser ein / sô sol wir es gewaltic sîn / wær ouch daz / daz got über uns
- 1816-132,25 gebüte / daz wir sturben âne erben / sô sal allez unse guot / alle unse liute / alle unse lant /
- 1816-132,26 ûfe unsen vater treten / âne alsolich guot daz wir unseme wîbe gedinget haben / oder noch
- 1816-132,27 dingen wollen unde unse vater sal unse schult gelten di wizzentlich ist / êr man ime di
- 1816-132,28 vestene antwerte di si inne haben alsolichen schaden als ûf unses vater pfant zuo Erpfurte
- 1816-132,29 gegangen ist / unde noch gêt / biz zuo unser vrouwen tage lichtmesse / der nû kumet / den
- 1816-132,30 sulen wir abe tuon / nâch der drîer râte / di wir dâr zuo gekoren haben / unser vater wile ouch /
- 1816-132,31 daz unser heimelîche rât / sîn rât sî / unde daz sîn heimelîche rât / unser rât sî / di sulen wir
- 1816-132,32 beide êren unde vorderen mit guoten willen / âne arge list / daz wir dise rede an allen
- 1816-132,33 stücken als iz hier vore geschriben ist / ganz unde stæte halten / des haben wir gekoren zwêne
- 1816-132,34 manne / unse vater hêrrn Heilman vore deme haine unde wir Kuonrâten von Amera unsen obersten
- 1816-132,35 schribære / dâr über haben wir eintrehticlîche gekoren græven Vriderîchen von Rabenswalde /
- 1816-132,36 zuo einem übermanne / den drîn sulen wir antworten Turgowe unse vestene Diben hûs unde stat /
- 1816-132,37 Sachim daz hûs unde Luckowe / mit solicher gewalt / daz si di türme in nemen unde hulde
- 1816-132,38 von den burgern ûf den hûsen / unde in den steten / unde vesticlîche in nemen / daz si dâ mite
- 1816-132,39 bewart sîn / unde dâ mite gehalten mügen / daz si uns enttriuwen gelobet haben / unser ietlich /
- 1816-132,40 sal in sîner vestene als vile gelt es bescheiden / daz si hûsliute gehalten mite mügen / welich
- 1816-132,41 unser brüchic wirdet an dem andern / an den stücken di hier vore beschriben stein / sô sal man
- 1816-132,42 die zwêne manen daz si den / der den bruch getân hât berihten / daz her daz wider tuo /
- 1816-132,43 bî einem mânde / geschæhe des niht / sô sulen di zwêne sich berihten umbe den bruch ob
- 1816-132,44 si mügen / in deme selben mânde / dâ si inne gemanet werden / zweieten si sich / sô sulen
- 1816-132,45 si dâr zuo eischen unde laden græven Vriderîchen von Rabenswalde / mohte ez der vriuntlîche
- 1816-132,46 berihten / bin vierzên tagen daz wær guot / mac er niht berihten / swem her gestêt der behalte /
- 1816-132,47 wær der drîer keiner / deme êhafte nôt beneme / di her bewîsen mohte / daz en sal unser

- 1816-133,1      keineme schaden zuo sîneme rehte / stürbe der zweier kein des got niht en  
wolte / sweme
- 1816-133,2      sîn abe gienge der sal ein anderen setzen bî einem mînde / stürbe græve  
Vriderîch der
- 1816-133,3      überman des got niht en wolte / sô sulen die zwêne / bî deme selben mînde  
ein andern
- 1816-133,4      kiesen der nütze bî unsen teidingen sî ûf ire triuwe unde ûf iren eit / dise  
vore genanten drî
- 1816-133,5      sweme si gestein / di sulen âne aller slahte verdæhtnisse belîben / unse vater  
sal ouch uns
- 1816-133,6      daz hûs zuo Droitzc entwerren / oder sal dâ vûre tuon daz in di drî heizen  
/ dise brieve is
- 1816-133,7      gegeben zuo Triptois unde geinsigelt zuo einer stæte mit unseme  
insigel nâch gotes geburt
- 1816-133,8      tûsent jâr / zwei hundert jâr / in deme drî unde niunzigstem jâr / an sente  
Michels âbende /
- 1816-133,9      bî diser rede sint geweset / unde sint geziuge dise vore genanten drî / unde  
Otte der burcgræve
- 1816-133,10      von Kirchberc / Albrecht von Brandenberc unde Mathies unses vater oberste  
schrîbær unde
- 1816-133,11      ander genuoc liute /
- 
- 1965-221,34      wir marcgræve Vriderîch von Mîssene . pfalnzgræve von Sahsen . bekennen  
an disem
- 1965-221,35      brieve . daz wir uns . mit unsen lieben burgeren von Vrîberc underredet  
haben . als hier nâch
- 1965-221,36      geschriben steit . unse gesworenen sulen gewaltic sîn . unse reht zuo jagene  
. unde zuo setzene .
- 1965-221,37      allez daz uns unde unser stat . unde unseme bercwerke nütze ist . unde  
swes wir mit in überkumen .
- 1965-221,38      daz sal niemannt widerreden . wente si uns daz gelobet haben . sô geloben  
wir in
- 1965-221,39      daz wider . daz si ires lîbes ires guotes iemer âne vâre sulen vore uns sîn .  
verwîrket sich
- 1965-221,40      iemannd gein uns . daz wollen wir jagen unde teidingen nâch ireme râte .  
daz wir diz ganz
- 1965-221,41      unde stæte halten . des geben wir in disen brieve besigelt mit unseme  
insigele . unde der ist
- 1965-221,42      gegeben . nâch gotes geburt . tûsent jâr . zwei hundert jâr . in dem vier  
unde niunzigsteme
- 1965-221,43      jâr . an deme tage der ûfvart unses hêren gotes . des sint geziuge . hêre  
Uolrîch von Maltitz .
- 1965-221,44      Tilich von Hûnesberge . Reinhart von Hersvelde . Reinhart von Seweschin  
. unse
- 1965-221,45      rîtare . dâr zuo Hanneman Losche . Dieterîch Beschorene . Niklaues von  
Stizlawitz . Kuonrât

- 1965-222,1 Marsilies . Kuonrât Stojan . Jenechîn Burnær . Berlewin . Gotvrit von der  
Boberisch . Heinrîch
- 1965-222,2 von Vrouwenstein . Jenechîn ûzer apotêken . Dieterîch von Schocher .  
Kuonrât von Rabenstein .
- 1965-222,3 unde ander biderbe liute . unde manne .
- 2570-004,12 wir bruoder Johannes von gotes genâden abbet in der zelle unde der convent  
gemeine
- 2570-004,13 bekennen unde tuon kunt alle den di disen brieve gesên / daz hêrre Heinrîch  
von der Schape /
- 2570-004,14 unde hêrre Johannes ûze der apotêken / burgere zuo Vrîberc / sôgetân guot  
alse si zuo lêhene
- 2570-004,15 hatten von deme rîtære hêrren Uolrîche von Maltitz / unde von sînen erben  
/ daz dâ gelegen
- 2570-004,16 ist zuo Albertitz / unde zuo deme Kaldouene / mit alleme rehte / vrîheit /  
unde nutze / alse si iz
- 2570-004,17 zuo lêhene gehabet haben / vrî unde ledic von deme voregenanden rîtære  
hêrren Uolrîche unde
- 2570-004,18 sînen erben / unde von alle den di dâr ûf iht zuo sprechene haben umbe ire  
silber daz si
- 2570-004,19 im iezunt allez vergolten haben rehte unde redelîche gekoufet haben / wære  
aber daz di
- 2570-004,20 voregenanden burgere hêrren Heinrîche / unde hêrren Johannese /  
iemannd umbe den kouf oder
- 2570-004,21 umbe di erkrigene vrîheit an spræche des sal si hêrre Uolrîch von Maltitz  
unde sîne erben
- 2570-004,22 ledic machen / daz haben wir abbet Johannes gelobet / unde sîn es bürge  
worden / dâr nâch
- 2570-004,23 sô haben di voregenanden burgere daz selbe vore beschribene guot daz si  
vrî unde ledic mit
- 2570-004,24 ireme silber gemachet haben / durch unser vrouwen êre von himelrîche  
gegeben zuo unseme
- 2570-004,25 goteshûse zuo der zelle / rehte unde redelîche unde haben daz wider  
entvungen zuo rehteme
- 2570-004,26 erbe / dâr umbe zuo eineme urkunde des erbes / sô sulen si geben alle jâr  
ein pfunt
- 2570-004,27 wahses zuo deme voregenanden goteshûse zuo der zelle / wir bekennen  
ouch daz wir an deme
- 2570-004,28 selben guote niht mêr rehtes haben wenne alse wir an irere gunst gehalten  
mügen / aller
- 2570-004,29 dirrer voregenanden sache sint geziuge bruoder Wilhelm unse prîor /  
bruoder Heinrîch der
- 2570-004,30 alte abbet / bruoder Kuonrât unse kellenær / bruoder Gozwin von Mîsen /  
müniche in der zelle /
- 2570-004,31 hêrre Hartwîc der pfarrær von sente Pêter zuo Vrîberc / hêrre Johannes von  
Nuzzin / hêrre Kuonrât
- 2570-004,32 Marsilius / hêrre Dieterîch Beschorene / unde hêrre Berlewin / daz alle  
dise vore geschribene

- 2570-004,33 rede stæte unde êwic belîbe des haben wir in gegeben disen offen brief mit unseme insigele
- 2570-004,34 verinsigelet / dirre brief der ist gegeben nâch gotes geburt / in dem tûsentesten / zwei hundertesten /
- 2570-004,35 sibensten unde niunzigesten / jâre /
- 2937-227,39 wî Heinrîch von Herversleiben / des eidem von Ebeleiben / Herman von Dachebeche /
- 2937-227,40 schultheize / unde erbehêrre / des guotes des goteshûses sente Pêters / des abbetes / unde
- 2937-227,41 der samenunge / von Vulde / bekennen / an diseme gegenwertigen brieve / unde tuon allen
- 2937-227,42 liuten kunt / daz Dieterîche von Wînmar / ein burger von Erpfurte / Adelheit / sîn hûsvrouwe
- 2937-227,43 habent gekoufet eine ledige halbe huobe / die lît in unsem vluore / vier ackere über den
- 2937-228,1 Rinkeleiben wec / bî swester îsentrûde von Erpfurte / drî ackere über den Erpfurten wec /
- 2937-228,2 bî Volrâte hêrren Arnoldes / dritte halp acker an dem Walesleiben wege / bî hêrren Helferîche /
- 2937-228,3 drî sâteln bî der gebiunde hêrren Albrehtes von Herversleiben / vier ackere bî züngelârs gêrn /
- 2937-228,4 umbe ahtzên pfunt / Erpfurter pfenninge / dê dâ was Rûedegêrs / kappelârs / die habent siu
- 2937-228,5 ime vergolten / die hât hê ûf gegeben / vore uns / mit sîner hûsvrouwen / mit iren erben /
- 2937-228,6 die siu hatten zuo erbe / von deme goteshûse / umbe vûnftehalben pfenninc / unde habent
- 2937-228,7 sich verzigen / alle des rehtes / des siu dâr ane hatten / als reht es / die haben wî
- 2937-228,8 gelihen / von des goteshûses wegen / mit alleme rehte Dieterîche / Adelheide / sîner hûsvrouwen /
- 2937-228,9 unde iren erben / iemer mê / zuo eineme rehten erbe / unde allen den / daz / guot verkoufet /
- 2937-228,10 oder gegeben wirdet / unde allen iren nâchkomelingen / . êr . des jârs / umbe vûnftehalben
- 2937-228,11 pfenninc / zuo sente – messe / zuo erbes rehte / des geloben wî / unde Rûedegêr /
- 2937-228,12 unde sîn hûsvrouwe siu des guotes zuo werne als reht is / ane eines eides stat / daz dise
- 2937-228,13 kouf / unde dit gelûbede / wizlich sî / unde werde / alle unsen nâchkomelingen daz siu ez
- 2937-228,14 halten / stæte / âne alle widerrede dâr über gebe ich versigelt / dise hantvestene / mit
- 2937-228,15 mîneme insigele / nâch gotes gebûrte tûsent zwei hundert jâr / in deme ahten jâre unde

- 2937-228,16 niunzigesten / an deme sunnenâbende nâch sente Mathiis tage . des sint  
geziuge / Tute
- 2937-228,17 küninc / Heidenrîch Dieterîch von Burcouwe Dietmâr / Sîfert von  
Herversleiben
- 3099-327,40 . in gotes genâden . wî Heilman von Herversleiben bekennen an diseme  
geinwertigen
- 3099-327,41 brieve unde tuon allen liuten kunt . daz Dieterîch von Wînmar hât gekoufet  
ein vierteil einer huobe
- 3099-327,42 umbe niun pfunt pfenninge die dâ liget in unseme vluore die dâ was mîn  
eigen die von
- 3099-328,1 mî hatte zuo lêhene Heinrîch Tasche die hât hê uns vergolten . ander sîte  
des berges gein
- 3099-328,2 Erpfurte liget drittehalp acker bobe Sîverdes ackere . hier die sîte unses  
dorfes ligen zwêne
- 3099-328,3 ackere / bî hêrren Albrehtes sætele . bînde dem wege ligen drî ackere bî  
der vrouwen –
- 3099-328,4 Niusezzen sætele . die haben wî mit unseme guoten willen mit alleme nutze  
. mit alleme rehte
- 3099-328,5 ûf gegeben . als eigenes unde lêhenes reht ist . sente Pêtre unde der  
samenunge des goteshûses
- 3099-328,6 von Vulde . Herman von Dachebeche . Dieterîch von Wînmar . haben daz  
guot entvangen an
- 3099-328,7 des goteshûses stat . die habe ich Heilman mit Hermanne des goteshûses  
schultheize gegeben
- 3099-328,8 unde gelâzen zuo erbe Dieterîch von Wînmar Adelheide sîner hûsvrouwen  
unde iren erben /
- 3099-328,9 iemer mê unde allen den von in daz guot verkoufet oder gegeben wirdet .  
daz siu geben sente
- 3099-328,10 Pêtre ie des jâres einen pfenninc zuo sente Martines messe zuo erbes rehte  
unde wî wollen
- 3099-328,11 sie des guotes weren als reht ist . daz dise kouf unde dise rede wizzentlich  
sî unde werde al
- 3099-328,12 unsen nâchkomelingen daz sie ez halten stæte unde veste âne alle widerrede  
. dâr über gibe ich
- 3099-328,13 disen brieve versigelt / mit mîneme insigele . des sî geziuc Wîgbreht mîn  
schultheize Bertholt
- 3099-328,14 Urleiben mîn bûtel . rûdigær kappelær Tute küninc Sîvert von  
Herversleiben . unde ander
- 3099-328,15 liute genuoc . die dô an gerihte wâren . nâch gotes gebûrte . tûsent zwei  
hundert jâr . in deme
- 3099-328,16 ahte unde niunzigesten jâre . an sente Martines tage /
- 3307-454,43 in gotes namen âmen /. wî . Jan von Rinkeleiben /. Heineman von  
Herversleiben .
- 3307-454,44 bekennen an diseme gegenwertigen brieve unde tuon allen liuten kunt / daz  
Dietrîch von

- 3307-455,1 Wīnmar ein burger von Erpfurt / hât gekouft / eine eigene halbe huobe /  
di dâ was Hartunges /
- 3307-455,2 Eckehartes züngelârs / umbe ein unde zweinzic pfunt pfenninge / in deme  
velde gein
- 3307-455,3 Erpfurt / ligen sehs acker / di dâ wâren der von Stalberc / in deme andern  
velde / ligen vūnv
- 3307-455,4 acker / bî hêrren Heinrîches lande von Gebesê des tuomhêrren / in deme  
dritten velde andersît
- 3307-455,5 des durstburnen / über ein sætele / ligen vier acker gemezzen von der  
bacheslîten / die hât hê
- 3307-455,6 in vergolten / di haben sie ûf gegeben / mit unseme guoten willen / mit  
allen iren erben / mit
- 3307-455,7 unser helfe / mit alleme rehte / mit alleme nutze . unde haben sich verzigen  
/ alle der hêrschaft
- 3307-455,8 der si dâr ane hatten / di haben wî / mit in / mit Dietrîches willen / geeigent  
unde
- 3307-455,9 gegeben / mit alleme vromen / mit alleme rehte / unde mit aller hêrschaft  
/ sente Pêtere / deme
- 3307-455,10 abbete / der samenunge / ûf den altær / in unser vrouwen kappellen zuo  
Erpfurt / ûf deme berge /.
- 3307-455,11 di haben wî mit des abbetes willen / mit alleme rehte / mit alleme nutze /  
gelâzen / unde
- 3307-455,12 gegeben zuo eineme rehten erbe / Dietrîche / Adelheide sîner hûsvrouwen  
/ unde iren erben /
- 3307-455,13 unde allen iren nâchkomelingen iemer mê / unde allen den von in / daz  
guot verkoufet /
- 3307-455,14 oder gegeben wirdet / daz sie geben von eineme jâre zuo dem andern / eine  
halbe marc wahs /
- 3307-455,15 zuo der kerzen unses hêrren lîchamen / an sente – tage / zuo erbes rehte /  
unde
- 3307-455,16 wî geloben / mit Hartunge / Eckeharte / sie des guotes zuo werne alsô reht  
is / vûre alle
- 3307-455,17 anesprâche /. daz dise kouf / diz gelübede / dise reht / wizzelich sîn / unde  
werde / alle
- 3307-455,18 unsen nâchkomelingen / daz si ez halten stæte unde veste / âne alle  
widerrede / dâr über
- 3307-455,19 geben wî disen brieve / versigelt / mit des abbetes unde mit unsen insigeln  
/ des sint geziuge /
- 3307-455,20 Heinrîch Pfeffer / Herman Helferîches / Wîgbreht unse schultheize /  
Heinrîch bûtel . Tuto
- 3307-455,21 küninc / Rüedegêr kappelær / unde ander liute genuoc / die zuo deme mâl  
an gerihte wâren /
- 3307-455,22 dise brieve ist gegeben / nâch gotes geburtn tûsent zwei hundert jâr in deme  
niun unde
- 3307-455,23 niunzigsten jâr / an deme mântage nâch deme palmetage allernæheste /

- 3318-461,2 ich Eberhart von Masbach bekenne an disem brieve vore allen den di in  
gesehen unde
- 3318-461,3 hoeren lesen . daz ich unde mîne kint . umbe alle die missehellunge und  
di werren . die
- 3318-461,4 zwüschen mîneme lieben hêrren græven Bertholde von Hennenberc wâren  
unde mî . berihtet sîn
- 3318-461,5 also hier nâch geschriben stêt . daz mîn hêrre hât sibenzehen gevorstete  
hölzer . umbe daz
- 3318-461,6 hûs zuo Masbach ligente unde stênte . dâ mite hê âne mîn . unde mîner  
erben hindernisse tuon
- 3318-461,7 unde lâzen sol swaz hê wile . ouch hât mîn hêrre in dem dorfe zuo Masbach  
vier unde zweinzic
- 3318-461,8 markethûs . dâr inne sulen alle die liute sitzen . die veilen kouf wollen  
haben . unde hantwercliute .
- 3318-461,9 wære aber mêr hantwercliute in dem dorfe . wenne êr in den markethûsen  
mohte
- 3318-461,10 gesîn . swâ die in deme dorfe sitzen . die sulen alle jâr einen schillinc zuo  
marketrehte geben
- 3318-461,11 ieteslich . unde sitzen swâ hê wolle . in dem dorfe überal ist daz gerihte  
ouch mînes hêrren
- 3318-461,12 an allen sachen swie si sîn gestalt . ein vorewerc vore der burc zuo der rechten  
hant also
- 3318-461,13 man in die burc gêt . daz ist mîn unde mîner kinde burclêhen . bî mîneme  
hêrren zuo sitzene
- 3318-461,14 unde zuo verdienene . ich unde mîne kint unde unser erben sulen in der  
burc sitzen . bî allem
- 3318-461,15 unsem rehte . alsô daz ouch mîn hêrre sîne hove in der burc besetzen sal  
swie hê wile .
- 3318-461,16 mæx daz ich unde mîne kint . die von mîneme hêrren belêhent . werden  
oder sîn . von mîneme
- 3318-461,17 hêrren niht sulen varen âne sîn wort oder âne sînen willen . diz wart alsus  
berihtet unde
- 3318-461,18 geteidinget mit mîner vriunde helfe unde râte . nâch gotes gebürte . tûsent  
jâr . zwei hundert
- 3318-461,19 jâr . in dem niun unde niunzigeme jâre . zuo Sliusungen . an dem  
mittewochen in der ôsterwochen .
- 3561-610,6 in gotes namen âmen / wî Jan von Rinkeleiben / Heineman von  
Herversleiben
- 3561-610,7 bekennen an disseme gegenwertigen brieve / unte tuon allen liuten kunt /  
daz mit unseme guoten
- 3561-610,8 willen unde mit unser helfe Dietrich von Winmar hât gekoufet . – . ackere  
in velde gelîch /
- 3561-610,9 di dâ wâr Heinemannes eigen umbe zwei unde zweinzic pfunt pfenninge  
/ di hât hê im
- 3561-610,10 vergolten / di haben wî mit al unser erben guoten willen / mit alleme rehte  
/ mit alleme

- 3561-610,11 nutze / âne alle nôtbete / gelâzen unde gegeben / zuo eineme rehten erbe / Dietrîche Adelheide
- 3561-610,12 sîner hûsvrouwen unde allen iren erben / sînen unde tohtern / unde allen den von in / daz guot
- 3561-610,13 verkoufet oder gegeben wirdet / daz si uns geben von eineme jâre zuo dem andern / – . pfenninge /
- 3561-610,14 zuo erbes rehte zuo wîhenachten / in deme ôstern vluore / ligen . – . ackere / in deme mittelsten
- 3561-610,15 velde / ligen . – . in deme western velde / ligen . – . ackere / unde wî Jan Heineman
- 3561-610,16 geloben si des guotes zuo wernne alsô reht is / vûre alle anesprâche / daz dise kouf / diz
- 3561-610,17 gelübede / dise were wizzelich sî / unde werde / allen unsen nâchkomelingen / daz sie halten
- 3561-610,18 stæte / âne alle widerrede / dâr über geben wî disen brief versigelt mit unseme insigele /
- 3561-610,19 nâch gotes gebûrte tûsent zwei hundert jâr / in deme niun unde niunzigesten jâre an sente
- 3561-610,20 – âbende / des sint geziuge / Heinrîch Huc / Wîgbreht unse voget / Dietrîch Balderames /
- 3561-610,21 Herman kellenær / Heinrîch bûtel /
- N407-300,12 wir Hein . von gotes genâden grâve zuo Glîchen und hêrre dâ selbenst bekennen
- N407-300,13 offenlîche an disem geinwertigen brieve und tuon kunt alle den die in sehen oder hoeren
- N407-300,14 lesen daz wir gelihen haben und lîhen zuo einen rehten lêhene Heineman von Halle
- N407-300,15 deme jungen Heinemannes sun von Halle der dâ gesezzen was bî den predigæren zuo Erpfurte
- N407-300,16 und sîn rehten erben vedelîche geruowiclîche âne arge list êwiclîche zuo besitzene
- N407-300,17 drî huobe êrlîches landes di dâ sint geheizen dorfguot die dâ lîn und gelegen sint in
- N407-300,18 deme dorfe und in deme velde daz dâ ist genant und geheizen Hôwinden und
- N407-300,19 drîzêndehalde huobe landes die dâ sint geheizen rodelant die dâ lîn und gelegen sint
- N407-300,20 in deme dorfe und in deme velde daz dâ ist genant und geheizen zuo dem rode mit
- N407-300,21 alle deme rehte nutze vrîheit und êren alsô ez unser altern gehât haben und von
- N407-300,22 unsern altern ûf sîne altern und ûf in komen ist und bekennen des daz der vore
- N407-300,23 genante Heineman von Halle ist hêrre und rihtær über hals und über hant in
- N407-300,24 velden in dörfern in wîngarten in wegen und in unwegen zuo Hôwinden und zuo deme

- N407-300,25 rode und niemannd mêt reht haben sal noch hât an deme êr genanten  
gerihten denne der
- N407-300,26 êr genante Heineman und sîn erben ouch bekennen wir daz daz gerihte zuo  
deme
- N407-300,27 rode mit unser gunst ist geleit gein Hôwinden wan sie harte an einander  
vluoren .
- N407-300,28 ouch bekennen wir daz die zinsliute Heinemannes von Halle haben gegeben  
und geben
- N407-300,29 alle jâr ûf sente – tac ein pfunt und sehs pfenninge erpfurtischer pfenninge  
sehs
- N407-300,30 scheffel guotes kornes bezzer wan gemanc und sehs scheffel guotes habern  
vogetzins von
- N407-300,31 drîn huoben die dâ sint geheizen dorfguot gelegen zuo Hôwinden ouch  
geben sie ime
- N407-300,32 alle jâr ûf sente – tac drî pfunt und vûnvzên schillinge erpfurtischer  
pfenninge
- N407-300,33 vûnv und zweinzic scheffel guotes kornes bezzer wan gemanc und vûnve  
unte zweinzic scheffel
- N407-300,34 guotes habern vogetzins von drîzêndehalter huobe die dâ geheizen sint  
rodelant gelegen
- N407-300,35 zuo deme rode und hât daz reht von alter gehât und noch hât welicher der  
zinsliute
- N407-300,36 her sî von dem rode oder von Hôwinden den sînen zins niht en leiste noch  
en
- N407-300,37 gebe ûf die êr genanten tazezîte der des sûmic vunden würde der wirdet  
buozwirdic und
- N407-300,38 vellic an buoze mit vûnv schillingen erpfurtischen pfenninge und die selben  
buoze sal her
- N407-300,39 leisten und geben mit deme zinse ouch gibet man deme êr genanten rihtær  
alle jâr
- N407-300,40 drî vogetesdieneste ie zuo mâl selp zênde mit knehten und mit pferden und  
die
- N407-301,1 vogetesdieneste sal her lâzen gebieten vierzên tage vore ouch sulen die  
zinsliute Heinemannes von
- N407-301,2 Halle alle jâr ein tac zuo acker ziehen iegeslîcher mit vier pferden und mit  
ein pfluoge
- N407-301,3 und ein tac zuo holze iegeslîcher mit vier pferden und mit ein waine und  
welicher des
- N407-301,4 niht en tæte wan her des von im vermanet würde her würde buozvellic  
werdic an
- N407-301,5 buoze vûnve unte zweinzic schillinge erpfurtischer pfenninge ouch gibet  
man dem êr genanten
- N407-301,6 Heineman von Halle alle jâr ûf sente Michael tac drî pfunt vûnv schillinge  
minnere vûnv
- N407-301,7 pfenninge erpfurtischer pfenninge vûnv unte zweinzic scheffel guotes  
kornes bezzer danne gemanc

|             |                                                                                                   |
|-------------|---------------------------------------------------------------------------------------------------|
| N407-301,8  | und vūnv und zweinzic scheffel guotes habern und drîzēndehalp huon zuo vastnaht von der           |
| N407-301,9  | êr genanten drîzēndehalber huobe rodelandes und den erbezins von der halben huobe                 |
| N407-301,10 | sulen vertrinken der voget und die zinsliute der voregenanden dōrfere und über                    |
| N407-301,11 | dise drîzēndehalbe huobe is der êr genante Heineman ein reht erbehêre und rihtær                  |
| N407-301,12 | und diser zins ist geheizen erbezins ouch gibet man deme êr genanten Heineman                     |
| N407-301,13 | von Halle jærlic̄hen ûf sente – tac von vier huoben rodelandes des êr genanten                    |
| N407-301,14 | guotes vier malter guotes habern und sechzēn hūenere erbezins und der haber heizet zolhaber       |
| N407-301,15 | ouch gibet man deme êr genanten Heineman von vierdehalben huobe rodelandes                        |
| N407-301,16 | der voregenanden drîzēndehalber huobe jærlic̄hen ûf sente Sever vierzēn schillinge erpfurtischer  |
| N407-301,17 | pffenninge siben hūenere und vierdehalbe gans rehtes erbezinses bî der buoze alsô                 |
| N407-301,18 | vore geschriben stêt ouch bekennen wir daz der vore geschriben Heineman hât daz                   |
| N407-301,19 | reht und die vrîheit an niunzēn huoben und an einere halben huobe die dâ lîn und gelegen          |
| N407-301,20 | sîn in vier dorfen in Hôwinden in Alich in Salmansborn und in Tiefental                           |
| N407-301,21 | dâ von man ime gibet und geben sal alle jâr ein unte zweinzic schillinge und drî scherpf          |
| N407-301,22 | erpfurtischer pffenninge und den zins sal der êr genante rihtær lâzen gebieten bî der             |
| N407-301,23 | buoze zuo gebene und zuo leistene ûf sente – tac und welicher der zinsliute                       |
| N407-301,24 | den sînen zins niht en leiste noch en gebe vore sente Gallen tage der wirdet buozwirdic           |
| N407-301,25 | und vellic an buoze vūnv unte zweinzic schillinge erpfurtischer pffenninge und alle die zinsliute |
| N407-301,26 | der êr genanten guote sulen ire zins leisten und geben ûf die êr genante tagezît bî               |
| N407-301,27 | den buozen alsô vore geschriben stêt ireme êr genanten hêrren und rihtær der voregenanden         |
| N407-301,28 | guote und sulen ime den zins antworten in sîne herberge zuo Erpfurte ûf sîn                       |
| N407-301,29 | hûs mit irere vuorkost verlust schaden und mit irere arbeit jærlic̄hen ûf die voregenanden        |
| N407-301,30 | tagezîte hier bî sint geweset die gestrengen und die êrsamen liute hêrre Dietmâr von              |
| N407-301,31 | Busleiben hêrre Dietmâr von Wechmar Herman von Mîla Gotschalc Lange und Hartunc                   |
| N407-301,32 | von Smidestete und ander geloubiger liute genuoc daz dise vore geschribene rede                   |

- N407-301,33 stücke und artikel stæte ganz und unverbrüchlich gehalten werden des  
geben wir
- N407-301,34 grâve Heinrîch . von Glîchen disen brief versigelt mit unserm insigel daz  
vesticliche dâr
- N407-301,35 an gehangen ist der dâ gegeben ist nâch – geburt zweliv hundert jâr in deme  
N407-301,36 niun und ahtzigest jâre an sente Bartholomeus âbende des heiligen  
zwelivboten
- N651-470,2 – – – – – . wî Dieterîch hêren
- N651-470,3 Witekindes sun Gêrlach von Küllestete Herman Leiterboum Kristân von  
Langelô Dietmâr
- N651-470,4 von Ougreden Albreht von Urbeche Dieterîch von Dankolfesdorf Eckehart  
von
- N651-470,5 Lêmbeche Gêrlach vrouwen Margarêten Kuonrât Diezchîn Heinrîch  
hêren Wahsmuotes unde
- N651-470,6 Heinrîch hêren Elgers rât zuo Mûlhûsen mit andern unsen kompânen  
bekennen unde beziugen
- N651-470,7 offenbærlîche an disen geinwertigen brieven daz unse burgere Dieterîch  
unde Heinrîch hêren
- N651-470,8 Witekindes hêre Bertolt Slegel hêre Herman von Aldenmulch hêre  
Dieterîch unde hêre Ernvrit
- N651-470,9 von Hônegge vore uns stuonden unde bekanten daz si unde ire erben  
allerjærliche sulen geben
- N651-470,10 zuo wîhenachten âne hindernisse deme convende zuo Lippoldesberge den  
heiligen juncvrouwen
- N651-470,11 êwicliche zuo eineme rehten erbegelte dit korngelt daz hier nâch geschriben  
stêt Dieterîch
- N651-470,12 hêren Witekindes unde sîn erben sulen geben alle jâr von sehs hoven landes  
eines vierteiles
- N651-470,13 minner di zuo Hônegge ligen niun unde zweinzic malter weizes driu unde  
zweinzic malter
- N651-470,14 rocken driu unde zweinzic malter gersten unde sehstehalp malter habern  
hêre Herman von
- N651-470,15 Altenmûlhûsen der gibet von sehs hoven eines vierteiles minner zuo  
Hônegge si ligen niun
- N651-470,16 unde zweinzic malter weizes driu unde zweinzic malter roggen driu unde  
zweinzic malter
- N651-470,17 gersten unde sehstehalp malter habern hêre Bertolt Slegel der gibet von  
drîn hoven eines
- N651-470,18 halben vierteiles minner vûnvzêntehalp malter weizes zweliftehalp malter  
roggen zweliftehalp
- N651-470,19 malter gersten unde driu malter habern eines vierteiles minner hêre  
Heinrîch hêren
- N651-470,20 Witekindes der gibet von drîn hoven eines halben vierteiles minner  
vûnvzêntehalp malter
- N651-470,21 weizes zweliftehalp malter roggen zweliftehalp malter gersten unde driu  
malter habern

- N651-470,22 eines vierteiles minner hêrre Dieterîch unde hêrre Ernvrit von Hônegge di  
geben von sehs hoven
- N651-470,23 eines vierteiles minner niun unde zweinzic malter weizes driu unde zweinzic  
malter roggen
- N651-470,24 driu unde zweinzic malter gersten unde sehstehalp malter habern dise sehs  
hove eines
- N651-470,25 vierteiles minner di gebüren disen zwein ie dem manne halp unde ie dem  
manne gebüret daz korngelt
- N651-470,26 halp zuo gebene alsô daz ie der man gibet vünvzêntehalp malter weizes  
zweeliftehalp
- N651-470,27 malter roggen zweeliftehalp malter gersten driu malter habern eines  
vierteiles minner
- N651-470,28 dise voregenanden hove ligen alle zuo Hônegge unde sint drî unde zweinzic  
daz korngelt daz
- N651-470,29 dâ von gebüret als iz beschriben ist daz sal man leisten in der stat zuo  
Mülhûsen mit mülhûsischer
- N651-470,30 mâze dise voregenanden burgere haben ouch gelobet daz man dise  
voregenanden
- N651-470,31 hove niht en sal rîzen noch teilen an minner stücke denne an ganze hove  
under andern
- N651-470,32 dingen ist geteidinget swaz dises guotes erstirbet daz treten sal an erbehant  
daz sal lîhen
- N651-470,33 swer probest ist zuo Lippoldesberge âne lôsunge verkoufet ez aber ein man  
jener der iz
- N651-470,34 koufet der sal geben ie von dem hove einen schillinc vûrebaz mê swanne der  
probest
- N651-470,35 von Lippoldesberge læzet manen umbe sîn korngelt swer iz niht en leistet  
nâch der manunge
- N651-470,36 bin vierzên nahten der sal geben dâr ûf solich unde samelich nâch des landes  
rehte
- N651-470,37 dirre rede sîn wî ein geziuc unde ander biderbe liute probest Heinrîch von  
der brüggen hêrre
- N651-470,38 Hartunc unde hêrre Kuonrât Wîze di dâ priester sîn ouch sîn es geziuc hêrre  
Eplîn unde hêrre Ernest di
- N651-470,39 dâ heizen Schellevilze hêrre Kuonrât unde hêrre Heinrîch Topelstein hêrre  
Ernest von Küllestete
- N651-470,40 hêrre Dieterîch schultheize hêrre Ernest von Kranechvelt hêrre Kristân von  
Langelô disen
- N651-470,41 brief haben wî gegeben zuo eineme rechten urkunde besigelet mit unser stat  
ingesigele dô
- N651-470,42 man reitte von der geburt unses hêrren tûsent jâr zwei hundert unde vier  
unde niunzic
- N651-470,43 jâr an der sechzênden kalenden – /
- N746-536,23 wir grâve Gunther der altere von Kevernburc bekennen unde tuon kunt alle  
den
- N746-536,24 die disen gegenwertigen brief lesen oder gehoeren lesen daz wir nû  
–[.....] über

- N746-536,25 ein jâr dienen solen unseme hêrren deme kûninge Adolfe von Rôme unde den edeln –[.....]
- N746-536,26 hêrren Gêrlache von Brûberc unseme neven oder –[.....] oder swer von des rîches wegen
- N746-536,27 houbetman ist in deme lande zuo Düringen mit drîzic –[....] mit –[.....] rossen unde mit al unsen
- N746-536,28 vestenen dâr ûz und dâr in zuo tuone unte lâzene gelîcher wîs als mit des rîches vestenen –[.] ire helfære
- N746-536,29 wider markgræven Vriderîche unde lantgræven Dieterîche sînen bruoder unde wider al ire helfære
- N746-536,30 unde ouch wider alle die die nû des rîches vîende sint oder noch werden umbe
- N746-536,31 den selben dienst den wir tuon solen unde den wir ouch in guoter triuwen gelobet hân vollen
- N746-536,32 zuo brengenne –[.....] uns unse voregenande neve hêrre Gêrlach von Brûberc von des rîches
- N746-536,33 wegen vierdehalp hundert marke –[.....] silbers dâ vûre hât er uns versatzet daz halbe teil des
- N746-536,34 hoves zuo Mûlverstete daz dâ –[....] hêrren Johannis –[.....] –[.....] sînes guotes zuo Schoenerstete
- N746-536,35 in deme gerihte vier marke geltes zuo [...]hershelingen[...] eine halbe –[.....] zuo Graba
- N746-536,36 anderhalbe marc geltes zuo deme êrsteme sehs und drîzic malter roggen gersten unde –[.....]
- N746-536,37 unde zuo Amera unde zuo Horsmar sehs und drîzic malter –[.....] zwei hundert marke –[.....]
- N746-536,38 –[.....] loetiges silbers er hât uns ouch beriht gegen hêrren Heinrîche von Mila vûnv
- N746-537,1 unte zweinzic marke loetiges silbers unde hât uns ouch beriht gegen Dieterîch unde den burgere
- N746-537,2 von Erfurte vierzic marke loetiges silbers der voregenande hêre von Brûberc hât uns ouch
- N746-537,3 beriht sechzic marke loetiges silbers under den juden zuo Gota er hât uns ouch beriht
- N746-537,4 zên marke geltes zuo Smalkalden vûre vûnvzic marke loetiges silbers swanne ouch die
- N746-537,5 jârzal die dâ vore genant ist ûz gêt sô sulen wir dienen unde undertænic sîn unseme hêrren
- N746-537,6 deme kûninge von Rôme als ein ieglich man sîneme hêrren zuo rehte sol wær aber daz
- N746-537,7 daz wir decheinen schaden næmen in der jârzal in des –[.....] dieneste an gevangen unser
- N746-537,8 liute den schaden sulen wir selbe tragen geschæhe aber daz daz wir gevangen wurden des
- N746-537,9 got niht en wolle sô sol uns der kûninc loesen gæbe uns aber got ein gelücke daz wir

- N746-537,10 iemanne viengen die solen wir selbe haben ez en wæren danne houbetliute  
swaz ouch wir der
- N746-537,11 viengen die solen wir deme künige oder sîneme houbetmanne antwürten  
wær aber daz
- N746-537,12 daz wir dechein unser vestene in der selben jârzal verlüren des got niht en  
wolle –[.....]
- N746-537,13 –[.....] –[.] sô –[.....] sich der küninc niht –[.] wir en haben danne unse  
veste wider
- N746-537,14 wir solen ouch –[.....] in deme lande zuo Düringen mit drîzic mannen mit  
–[.....] rossen
- N746-537,15 ûzewentic landes solen wir –[.....] mit vûnvzên mannen in daz ôstlant unde  
anders
- N746-537,16 niergen mê man sol uns ouch bekostigen mit brôte unde mit tranke swâ  
wir zuo velde ligen
- N746-537,17 lægen aber wir in einer stat sô sol man uns geben swes wir bedurfen alse  
den andern
- N746-537,18 die in des rîches dieneste sîn wir bekennen ouch daz wir daz halbe teil des  
hoves zuo Mülverstete
- N746-537,19 wider antworten solen dem von Erla ob iz heizet unde bitet der voregenande  
N746-537,20 Gêrlach von Brûberc –[.] –[.....] als ein iegelich man dem andern tuon  
sol zuo –[.....]
- N746-537,21 der –[....] burc mit dem andern hâte mit –[....] unde –[.....] unde mit  
ander sicherheit
- N746-537,22 der sie beide under einander –[.....] daz dise rede ganz unde veste unde stæte  
sî daz haben
- N746-537,23 wir in guoten triuwen gelobet unde unsen brief gegeben geschriben unde  
mit unseme insigele
- N746-537,24 dâr über bevestenet –[.] –[.....] –[....] der brief wart gegeben zuo –[....] nâch  
gotes geburt
- N746-537,25 –[.....] tûsent –[.....] jâre –[.....] –[....] vore –[.....] .